

ASO LUA, 27 IUNI 2017

Na nofoia le Nofoa e le Fofoga Fetalai i le itula e 9:00 i le taeao.

Tatalo.

SAUNOAGA FAAFEILOAI A LE FOFOGA FETALAI

FOFOGA FETALAI: Ou te faasilasila atu ua toe amatalia Taualumaga ma Fonotaga a le Palemene i lenei taeao. Ou te muai faatalofa foi i le paia o le Fonousu a le atunu i le afio o lau Afioga i le Palemia ma le Kapaneta faapea foi sui usufono o le Palemene aemaise foi o le tapuaiga a le atunu e amata mai ona ao seia oo i ona iu, e faapea foi le aufai tatalo, auauna totofi a le Atua i le latou faiva alofilima o le faanonomanu aua se manuia o Samoa.

TUUINA ATU O PEPA

Na tolaulau e le Failautusi Pepa nei ua faataatia i luga o le Laulau a Fono e tusa ai ma le T.T.49.

1. S.R.2017/7, Tulafono Faatonutonu o Tagata Tomai Faainisinia (Faamauina) 2017.

TULAFONO TAU FAAOFI O TEUTEUGA O LE TULAFONO O LAFOGA O TUPE MAUA 2017 – felafolafoaiga faaaauau i luga o le faitauga faalua

FOFOGA FETALAI: E tolopo felafolafoaiga i le aso Fono ananafi ua maea ona saunoa le sui usufono mo Aleipata Itupa i Lalo.

O le avanoa lenei mo se isi sui usufono e fia saunoa i le Tulafono Tau Faaofi. Tulai mai le sui usufono mo Vaisigano Nu.1.

Tofa LOPAOO NATANIELU MUA (Vaisigano Nu.1): Ou te faatalofa atu i lau Afioga i le Fofoga Fetalai i lenei taeao fou, faapea foi lau Afioga i le Palemia ma le mamalu o le Kapaneta, Minisita Lagolago faapea foi le paia maualuga i lenei Maota i sui usufono uma o itumalo taitasi. Faafetai foi ua uma se malologa i le taimi o le pogisa ua tea, maua le malosi faafouina i lenei aso i le alofa ma le agalelei o le Atua.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

E faatalofa atu foi i si ou itumalo o faafogaga mai. Ou te fia tu atu ona o le tulaga e pei ona i ai le tatou Tulafono Tau Faaofi ua aumai nei. O le popolega lau Afioga i le Fofoga Fetalai, ua uma ona tatou pasia le Tala o le Tupe, o lo o aiaia uma i totonus le Tala o le Tupe suiga ma fuafuaga a le Matagaluega o Tupe Maua o lo o i ai i totonus. A tuu la i se isi itu lau Afioga, ua tautuaupega le talanoaina o le teuteuga o le Tulafono i lau maitau atu. Ou te le iloa po o le a faiga faavae lau Afioga. Sa tele foi ni manatu o lenei itumalo sa fia fai atu ae peitai, o lea ua pasia le Tala o le Tupe. Aua o le mea moni lau Afioga, e le mafai ona toe faafoi i tua le Tala o le Tupe, o lea ua talia ma pasia e le Maota nei, ae i ai lava le... malie foi lau Afioga i le Minisita, e faasea atu i lau Afioga ona o le mulimuli mai o le Tulafono Tau Faaofi sa tatau ona talanoaina muamua, aua a silasila i le Tala o le Tupe ma le fetuunaiga uma o tupe maua o lo o i ai, o lo o atagia ai le fesuiaiga e pei ona i ai le lafoga a Faafeagaiga, ae le gata i lea, o isi lafoga ua toe fesuiai e pei o le threshold. O lona uiga, o vaega uma lava ia ua uma ona pasia e tatou, se i vagana ai le faaliliuina ma le faauigaina o upu o lo o i lalo o le Tulafono.

E pei o le ala lena e tu atu ai ma le agaga faaaloalo lava, ua fai si tautuaupega o lenei suiga, a o lea ua maea le Tala o le Tupe mo le aso ananafi mo le na ona faaali atu faapena. Ma le faaaloalo tele.

FOFOGA FETALAI: Malo. Ia se i tulai mai le sui usufono mo Anoamaa Sisifo.

Tofa Hon LAUOFO FONOTOE NUAFESILI PIERRE LAUOFO (Anoamaa Sisifo): Ou te tulai atu ma le faaaloalo e fia fai foi se sao o lenei itumalo e tusa ai ma le Tulafono Tau Faaofi, ae muamua foi ona faatalofa atu ma ofo alofa atu i lau Afioga i le Fofoga Fetalai faapea foi le Palemia ma le Kapaneta ma Minisita Lagolago faapea foi lenei itu o le malu.

E momoli atu le faafetai i lau Afioga i le Minisita i vaega o lenei Tulafono Tau Faaofi. O le vaega muamua e fia oo i ai se tautalaga, o le vaega tonu lea sa ou taua i lau lauga faalauaitele i le Tala Autu o le Tupe, ona o lea sa aumai i le Saunoaga a le Minisita o Tupe i lana Budget Speech, i le tulaga tonu lea o le tuuititia o lafoga a kamupani ia e faatauina atu i fafo oloa. Ma e faafetaia lava lau Afioga i le Minisita ona o le fuafuaga e pei ona faataoto mai o le a tuu i lalo i le 50%. O lona uiga e pei foi ona faamalamalama i le taimi ua tea, e 27% o lo o i ai i le taimi nei, a o lea o le a tuu i lalo i le 50%, o lona uiga o le afa o le 27%. O lona uiga la o kamupani uma ia o le a faatauina atu oloa i fafo o le a tuu i lalo le latou lafoga i le 13.5%. O se faamamaavega tele lea faamamaavega mo kamupani o le a faatauina atu oloa i fafo. Tasi lea itu taua o le tatou Tulafono Tau Faaofi. Aua e pei lava foi ona silafia, a tele foi tupe e uu i aao o le aufaipisinisi, ia e toe faagaoioi i totonus le latou pisinisi e faatele ai latou pisinisi, e toe faaopoopo ai nisi avanoa faigaluega mo tagata o fia maua ni galuega. Ia, o le tulaga lea e momoli atu ai le faamalo ma le faafetai.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

I le vaega lava lea o le teuteuga lea, o lo o faapea mai foi e tatau ona toe foi uma mai i le atunu le 100% o tupe faasili e maua mai le faatauina atu o oloa nei i fafo. Na pau lava lea o le fesili e fia malamalama ai lau Afioga i le vaega tonu lea o le tatou Tulafono Tau Faaofi, ona e manatua foi e i ai isi kamupani foi lea e i ai le agaga foi lele pe faaaoga le tulaga o tupe faasili ia e faatau ai nisi oloa o lea e fesoasoani i le faatauina o pisinisi i inei. O lona uiga e pei foi lea e i ai isi mea e faaaoga tupe ia e faatau ai foi ni masini, po o ni masini o lea e manaomia e ni kamupani gaosi oloa i inei, ona faatau mai lea. O le fesili la po o lea e aafia i i totolu o le 100% lea o tupe faasili po o le polofiti, pe aafia uma ai mea ia, as long as e 100% le tupe faasili e foi mai i le atunu, whether as a form of money or a form of equipment, or in a form o isi mea pe tuu ai i totolu oloa nei mo le auina atu i fafo, pei ni packing materials po o ni mea faapena. Pe aofia uma ai lava faapena mea nei, pei ona ou fai atu, e i ai isi kamupani e faapena le faiga, e le aumaia uma tupe ae faaaoga mai isi mea e faaleleia atili ai le kamupani, aemaise oloa nei e faatauina atu i fafo.

O le isi vaega o le Tulafono Tau Faaofi, faamalo faafetai i le tulaga o le capital gains tax. A faatauina mai se fanua pei foi ona saunoa malamalama lau Afioga, a toe faatauina atu i totolu o le 12 masina talu ona faatauina mai, e 10% la le lafoga. Ae a e toe faatauina atu i luga atu o le 12 masina, e 27%. Pei o se manatu foi lea na ona faatauina atu i luma o lau Afioga e te silasila i ai mo le agai i luma....

FOFOGA FETALAI: Se i tulai mai le Minisita mo Tupe Maua.

Afioga Hon TIALAVEA FEA LENIU TIONISIO HUNT (Minisita mo Tupe Maua): Lau Afioga i le Fofoga Fetalai, e faafetai i le sui usufono mo le manatu faaalia mo le capital gains tax. A faatau i totolu o le 12 masina e 27% le capital gain, ae a faatau i tua atu o le 12 masina e 10% leaga o la e feaveai le....

FOFOGA FETALAI: Malo faafetai ua maua atu, e sao le saunoaga a le Minisita, o totolu o le 12 masina e 27%, o tua atu o le 12 masina e 10%.

Tofa Hon LAUOFO FONOTOE NUAFESILI PIERRE LAUOFO: Lau Afioga i le Minisita, masalo la ai e sese le lomiga lea i lau kopi, pei o la e ua faasao mai. Aua o lea ou te lauga atu o lea e aumai i i totolu o le 12 masina e 27%. Ae masalo la o lea ua musumusu mai lou uso a sui usufono le Afioga Faumui, masalo la o lea ua faasao mai, ia lelei. Ae masalo o lea ua momoli mai le faasaoga, e momoli atu le faafetai, 27% pe a toe faatau ese atu le fanua i totolu o le 12 masina, e 10% pe a toe faatauina atu i luga atu o le 12 masina. Malo faafetai i lea vaega.

27 IUNI 2017

Tulafono Tau Faaofi o Teuteuga o le Tulafono o Lafoga o Tupe Maua 2017 – felafolofoaiga faaaauau i luga o le faitauga faalua

O se tulaga foi lea e vaavaai atu foi i ai, sa manatu ai pe o se manatu foi lea tau ina faataoto atu i ou tafatata mo le agai i luma, ae manaia pe a vaevae foi lea mo le tausaga muamua ae toe faataueseina atu i le tolu tausaga ese lona pasene, lima tausaga ese lona pasene. Pei foi lea e fai faascale, ae silasila ifo lau Afioga mo le agai i luma lea e talanoa atu ai, pe tau ane po o le a se tulaga e i ai.

O lafoga a faifeau, ia o lea ou te vaavaai atu lau Afioga, o le a ou le talanoa au i le aaoatetele o le atunu, ae ou te talanoa lava au ia i lou itumalo. E 27 falesa, 27 faifeau. O le isi afioaga, e tasi le isi afioaga o lou itumalo e valu ekalesia, e salalau solo la tagata. Ia o le tele la o ekalesia o si o matou foi itumalo, e toaitiiti tagata lolotu. I lau la vaai i ai ma talatalanoa foi i nai faifeau aemaise la faifeau o aulotu laiti, masalo o le tele o latou e le ausia le tapulaa lea e aumai o le \$15,000 i le tausaga lea e faapea a i lalo ifo o le \$15,000 i le tausaga, e leai la se lafoga e totogia. Ia o se tulaga lelei lea o lea e maitau atu e laugatasia uma ai lava ma tagata faigaluega uma. Po o ai lava e faigaluega ae a i lalo ifo o le \$15,000 i le tausaga, e leai la se lafoga e totogia aua o le tele o nai isi nuu laiti ia o le matou itumalo e malosi lava foi lele i le tausi o le aulotu i mea o taumafa ma tulaga faapena, e pei e faale faalagolago tele i seleni aua e le lava foi se latou seleni. E pei o vaega faapena lau Afioga i le Fofoga Fetalai. Ona ou manatu lea o au ia, o le Tulafono lea ma isi vaega ia pei ona ou talanoa i ai, e manaia foi pe a se i tatou o se i faataitai ma tulimataia po o le a le tulaga e i ai, aua o nei lava mea a alu alu foi o le a se isi tulaga ia mafai lava foi ona toe teuteu, silasila ma mataitui po o le a le tulaga e alu ai. E pei o se manatu lea ma se o le itumalo lau Afioga i le Minisita o le alo o Malietoa Taulapapa, o tapaau ou te tausi, o lena e silafia e lau Afioga. Ia, o le matou sao lea o lenei itumalo. Ia manuia le Fono.

FOFOGA FETALAI: Faafetai. Ia e ese foi lagona i le saunoaga faatupu manatu a le fetaluga i le sui usufono mamalu mo le itumalo o Anoamaa Sisifo. Malo faafetai, ne i te i ua toe taua e se isi sui usufono le tulaga lea i le vave ona toe tautalagia o le Tala o le Tupe a o lea faatoa oo mai le tatou Tulafono. O le Tulafono Tumau, e leai se isi galuega e faamuamua e le Malo pe a oo ina faataunu le Tala o le Tupe, e ave muamua i ai le faamuamua, mulimuli ane taunu mai tatou Tulafono e pei o le Tulafono lenei. E faamanatu atu i le itu lea, ona o tatou Tulafono Tumau, ae ui i lea, ou te talitonu o lea ua nofo fale ia Satuamaa le faatinoga o tatou galuega.

Tulai mai le sui usufono mo Vaimauga Sasae.

Afioga SULAMANAIA FETAIAI TAUILIHLI TUIVASA (Vaimauga Sasae): Faafetai i lau Afioga i le Fofoga Fetatalai mo le avanoa aemaise le paia o lenei Maota.

Ou te tulai lava ma lou agaga faaaloalo, ou te tautala foi ma lou ava ma lou faaeteete, ou te tu foi ae lilia e pei o le pisaga o saualii i le tosua ma le tolesua i laufanua o Fiamē ma Salevalasi.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

I lenei lava taeao i le maleifua mai o lau Afioga i le Palemia, Tuilaepa Sailele Malielegaoi aemaise o le Sui Palemia ma lena Itu, e maitau ma le totoa le tatou Tala o le Tupe ua pasia i le po anapo. Viia le Atua. O lea ua oo mai i le tulaga o le talanoaina o le mataupu foi po o le Tulafono Tau Faaofi o Teuteuga o le Tulafono o Lafoga o Tupe Maua, e momoli lava lau faafetai i le Afioga i le Minisita, aemaise o le Afioga i le Minisita Lagolago ma le Matagaluega, aemaise foi o le Ofisa Sili o Pulega, i le vaai mamao i le tulaga ua afea ai le Aufaigaluega Paia a le Atua aemaise foi o Lana Afioga Mamalu, O Le Ao o le Malo ma nisi o tulaga ua i ai. Ae popoe lava le taofi, sa faaali foi le manatu o lenei itumalo i le Tala Faatatau o le Tupe pei ona e malele lau Afioga, sa faaali lava le tulaga lea i le \$2milliona. A o le naunautaiga o le sui usufono mo Vaimauga Sasae, so o se fuafuaga lava ma se vaai mamao, e taulia lava le taimi e plan ai se mea. O lau la faasea, pei ua fai sina vave o le Afioga i le Minisita o Tupe Maua i le aumaiga i totonusi o lafoga a nai faifeau. E maitau lava ma le totoa i le paia o le atunu o lo o aumai le faatuatuaga i le taitaiga a lenei Vaega Faaupufai e ala i le taitaiga a lau Afioga i le Palemia, Tuilaepa Sailele Malielegaoi. Alalaga le atunu, tele mea lelei, sui tulaga i taavale, sui foi le taimi o lenei ua tatou i ai ua tatou Aso Sa faatasi ma nisi o ekalesia, fai faletetele, o auala eletise fai mea uma. A o le vaai a Vaimauga Sasae i lenei Tulafono Tau Faaofi ua tatou afea ai le Aufaigaluega Paia a le Atua, se e popoe lava le manatu. O le tulaga i le Aufaigaluega Paia a le Atua, e pei o se tatou....

FOFOGA FETALAI: Se i tulai mai le Afioga i le Palemia.

Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi (Palemia): Lau Afioga i le Fofoga Fatalai, o le mea lena sa ou talanoa atu ai anapo, aua e te afe loa i i afe i le Tusi Paia. Ua ou fiu foi e sue i le Tusi Paia le mea e faasa ai. E pei o le tulaga lena i te i ua e mateletele a o lea e fai lafoga a faifeau ia o lo o galulue i le administration, o la e fai latou lafoga. O le tuualalo a isi faifeau na, se faafetai o lea ua laugatasia matou. O le Faavae o le Malo o Samoa, e le tatau ona fai ni lanu o Tulafono. O le tatou Tulafono ia treat tagata uma, equally, tutusa. Ae pei ua faapito ona tapa so matou sao, ae leai se sao o le vaega lea. A o isi, e sao le saunoaga lea a le sui usufono mamalu mo Anoamaa Sasae, o lea e i ai le faamamaavega, \$15,000. A le oo lava la i ai, e leai sau lafoga e totogi, mo le aufaigaluega uma lava i Samoa e lavea ai foi ma latou. O lona uiga la, se i vagana lava nai itumalo laiti foi nei tai pei o lou itumalo e sau i luga i le \$100,000 i le \$200,000. Se i vaai i le tetele o na totogi? O na mea, a oo se alofa o se faifeau i le \$100,000 ua tatau ona aumai sina mea e fesoasoani i le faiga o tatou auala, aemaise o lea sa e leotele lava i le tele o mea fai i totonusi o lou itumalo.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

E pei o le tulaga lena. A o Afiofa foi a le Alii, -aua e te fefe e tu i le mea e tatau ona fai.øO oe le isi tagata fefe lea ua... Aua e te popole i le palota. Afiofa lava e toe tofia foi oe e le Atua i le isi Paeaiga ona o lou lototele e fai le mea amiotonu, e te toe sau lava, ae aua e te popole i mea nei o palota i te i ua e fefe tele i le mea lea, a o la e fulisia lou itumalo e tatau ona fai ni sao... e leai lava se tagata e le fia fai sona sao i lona Malo. Ae a tatou talanoa loa i le lafoga, leaga e pei e eleelea le upu, leaga o le upu lena o lea e sau i totolu o le Tusi Paia, e pei e ita i ai tagata i le au aolafoga. Ae a tatou talanoa loa, o lou sao lea e fesoasoani i galuega tau falemai, o lou sao lea e te fesoasoani i tatou atinae o aoga, o lou sao lea e fesoasoani i le faaleleia o tatou aualatele lea e feoai uma ai lava tagata uma, ona mama lea o le avega ia te oe.

FOFOGA FETALAI: Malo faafetai. Ia se i toe tulai mai le sui usufono, masalo....

Afiofa SULAMANAIA FETAIAI TAUILILILI TUVASA: O le taimi na aumai ai au e lou itumalo i totolu o le Vaega Faauupufai lenei, sa momoli mai i totolu ma fesiligia ai foi e le itu lenei a le HRPP, -o le a le mea ua tou aumai ai lenei tama o lo o i ai le sui sinia o le tou itumalo o lo o avea i lea vaitau ma lea vaitau?øO le tala a si ou tama sa aumaia au i totolu, -o lea e aumai si ou atalii lea se i aiaiuli.øO lea e fai au aiaiuliga i lena itu o le Maota aua le agai i luma. Ou te le o popole foi i le palota lau Afiofa, ou te popole i le tatou Vaega Faauupufai, o lea ua fai e tatou se isi vaega e saofaga ai le Itu Agai i se isi taimi. Aua e uma nei le palota i lenei Paeaiga, toe fai foi i le isi lima tausaga, omai loa le isi vaega, ñla, o le a matou tulai mai, o le a aveese lafoga.ö

FOFOGA FETALAI: Malie le sui usufono se i tulai mai le Palemia.

Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi: Lau Afiofa i le Fofoga Fetalai, se aua e te fefevale. O mea na e fai e latou e agaia le tatou Vaega Faauupufai, e sili atu ona vevela le VAGST lea na fai a o ou tu atu ai i le mea lea. E sili atu ona vevela le VAGST. Aisea? Leaga sa savavali tagata uma o le atunu, savavali ma ekalesia ma faifeau. A o le a le mea na tupu? E leai lava ni tagata na feoti i le totogiina o le Tulafono o le VAGST. A o upu na ave, o le a outou silasila i ai. E pei o le tulaga lena, leaga ua uma atu aso o le vevela, a o le taimi lenei na o sina mea mafanafana lava ae o nisi ua vevela tele. Tatou te le i oo i le tulaga na i ai le Vaega Faauupufai lenei i lona amatamata mai.

FOFOGA FETALAI: Malo faafetai. Se i saunoa mai le sui usufono leaga o matou uma sa i ai i lena taimi.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

Afioga SULAMANAIA FETAIAI TAUILIIHLI TUVASA: Lau Afioga i le Fofoga Fetalai o le a see ese se manatu ma lea vaega. E pei lava ona ou fai atu, na pau lava lea o le sui usufono sa talanoa i le Tala o le Tupe e lagolagoina mea uma lava. Na pau lava lea o le \$2 miliona lea sa i ai i totonu lea sa teena ai. A o lenei taeao o lea ua pasia le Tala o le Tupe, ia ua tautuaupega foi ae o le a avatu lau talosaga tuualalo i lau Afioga i le Minisita.

E pei o le vaega lea o le capital gains tax, sa ou talanoa i ai i le tulaga foi o le aumaiga o lenei Tulafono Tau Faaofi, lea sa ou faatuina atu ai, e 10 tausaga e i ai i totonu o le vaega lea. O lea foi sa i ai i totonu o le Tulafono Tau Faaofi lea le tolu tausaga, a o lea ua vaavaai ma le totoa o lea ua aumai e 10 masina. A o le popolega o Vaimauga Sasae, o pisinisi nei po o kamupani ia e omai i totonu faatau kamupani i totonu o si o tatou atumu. E uma ifo le process lea, e le lava le 10 tausaga lea ua aumai e process ai fefaatauaiga ia. E fiafia ai la latou nei e uma ifo le tausaga, ae na o le 10%. A o le agaga sa ia i latou nei sa tolu tausaga, lea na ou tatalo atu ai, tuu i le 10 tausaga pe faatau le 10 tausaga lea i kamupani mai fafo ma faatau tatou kamupani i totonu po o totonu foi, a o lea e maua lava le tatou tupe lea e 27% lea e fai ai le tatou capital gain. A o lea ua aumai le 12 masina, e le o lava. A fai ni feutagaiga i faatauga o pisinisi nei i totonu o le 12 masina, e le lava lau Afioga. E pei o le popolega lena o le sui usufono. Malilie ia, e pei o le popolega lena o le sui usufono sa i ai e pei e faamuamua mai luma faifeau, a o Lana Afioga Mamalu, O Le Ao o le Malo lea pei e sau ai i tua. E lagolagoina e lou sui usufono le totogi o le tax a Lana Afioga Mamalu, O Le Ao o le Malo, leaga o lea e ave i ai le tatou tupe e totogi ai Lana Afioga Mamalu, O Le Ao o le Malo, a o nai lafoga a nai faifeau lea sa inaina atu ai le sui usufono, peitai, o lea ua tautuaupega, e le o i ai se tupe a le Malo o faagafua mo lea vaega. Sau le rate lea ua tax ai nai faifeau, e lagolagoina e le sui usufono le \$15,000 lea ua tuu i ai. A o le talosaga i lau Afioga i le Minisita, e manaia lava le \$15,000 e leai se lafoga, \$15,000 i le \$20,000, 10%, \$20,000 agai le \$25,000, 20% loa, ova loa ma le \$25,000 tax loa i le 27%. Ae pei o lea ua e aveesea le 10% sa i ai. E manaia lava le faasolosolo. E pei o lea ua e naunau tele, ae o le mea sa i ai muamua, e 12....

FOFOGA FETALAI: Malie le sui usufono mo Vaimauga, se i tulai mai le Afioga i le Minisita mo Tupe Maua.

Afioga Hon Tialavea Fea Leniu Tionisio Hunt: Lau Afioga i le Fofoga Fetalai, faafetai lava mo le avanoa. Sa fia faalogologo lava i le saunoaga a le sui usufono. Na pau lava le mea, atonu e aoga le tulai atu ia malamalamai ai se isi vaega o le capital gain tax. E i ai lava le fuafuaga e toe asiasi i ai i le tausaga fou i te i ua toe saunoa mai foi nisi i le Tulafono Tau Faaofi lea, ae i ai le tapenaga lea e fai mo le tausaga fou ia toe faaoo mai i totonu i i. O le tax o lafoga, e pei lava o le lagona lea e faaali atu, ia saofaga tagata uma e fai sao.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – fefafolafoaiga faaauau i luga o le faitauga faalua**

O le tax lava lea o lo o faaaoga foi e le aufaigaluega o lo o i ai i le taimi lenei, e tutusa lava ma le tax lea ua avatu i faafeagaiga, ia tutusa ai tagata ma le tax foi lea ua ave i Lana Afioga Mamalu, O Le Ao o le Malo. O lona uiga la i le matou... ua tutusa tagata uma i le aofaiga o tax ma saofaga e tofu sao i le atiaeina o le atunu.

Faafetai i lau Afioga.

FOFOGA FETALAI: Malo. Masalo po ua maua mai e le sui usufono mamalu, o le aotelega lava lena o manatu, o le finagalo o le Malo ia tutusa le treat ina o tagata uma.

Se i tulai mai le sui usufono mamalu.

Afioga SULAMANAIA FETAIAI TAUILIHLI TUIVASA: Faafetai o lea ua avea e le Minisita le capital gain lea sa ou taua i le 12 masina lea na ou fai atu ai, e le o lava le tulaga lea. A o le oo mai i le tulaga i le tax lea le \$15,000 lea na ou talosaga atu ai, po o le a le mea ua le toe tuua i ai le tatou 10% e pei ona ou fai atu. A faapea e \$12,000 agai le \$15,000, e manaia lava le lafoga lena ua leai se lafoga. A o le va la lea o le \$15,000 agai i le \$20,000, e tatalo atu pe mafai ona fai faa 20%. \$20,000 i le \$25,000 e 20%, oso loa i le 27% e tax ai.

O le isi au vaega lea, faafetai o lea ua faamanuiaina le aufaipisinisi, traders i le tax lea, 12 mai le 15. Pe le o i ai sou finagalo e afea ai e le kamupani, aua o lea e tax lava nai local companies i le 20% e tax ai latou tupe maua. Ae pei o se isi vaai po o se talosaga lea a le sui usufono mai fafo le tax lea a tatou e tutusa ai ma le 27%. Ia ae pe le fai se fuafuaga ae tumau ai pea i i le vaega lea mai fafo lea e moni o lea e benefiti ai si o tatou atunu i le tele o galuega, ae o lea lava e le o tele se faamanuiaga mo local companies a tatou lea e tax lava i le 27%. E tuu atu i ou autafa le taulaga lea.

E lagolagoina e le sui usufono le tax credit lea ua aveese mai atinae a le Malo, tasi lea mea sa tele ina tetee ai foi le Matagaluega o Lafoga. E leai ma se tupe a le au tax payers lea po o le kamupani lea o alu atu i totonu o le lafoga ae a uma lana \$100,000 lea e alu deposit i se faetalimalo, e otometi lava ona alu ese ai le \$100,000 lea mai le Matagaluega. Ou te lagolagoina le faamatuu ese o tulaga lea i tax credit lea e o ave i ai tupe ae leai se mea o maua ai e fai se sao i le Matagaluega.

Lau Afioga i le Fofoga Fetalai, ou te tulai lava e lagolagoina le tulaga ua tuu mai, ona e pei ona fai atu, e ui lava ua tautuaupega le tulaga sa i ai, ae ou te lagolagoina le matapu ua i le Laulau a Fono i le tulaga ua tuuina mai. Ia manua le Fonotaga a le atunu.

FOFOGA FETALAI: Malo faafetai. Se i tulai mai le sui usufono mo Itumalo Tu Taulaga i Sisifo.

27 IUNI 2017

Tulafono Tau Faaofi o Teuteuga o le Tulafono o Lafoga o Tupe Maua 2017 – fela folafoaiga faaaauau i luga o le faitauga faalua

Afioga FAUMUINA ASI PAULI WAYNE FONG (Itumalo Tu Taulaga i Sisifo): E momoli atu le faafetai tele i lau Afioga i le Fofoga Fatalai i lenei taeao, e faapena foi ona faatalofa atu i le Afioga i le Palemia aemaise le Kapaneta ma le mamalu o Minisita Lagolago faapea foi lenei Itu, e faapea foi le mamalu o sui o Matagaluega taitasi ua mafai ona tatou...

FOFOGA FETALAI: Ia, se i tulai mai le Palemia.

Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi: Lau Afioga i le Fofoga Fetalai, e i ai le polokalame foi lea a le FM i le taeao, a faatalofa mai tagata o le FM, ia e tatau foi ona faatalofa atu. Ia, ou te faatalofa atu i lenei taeao Faumui.

Afioga FAAMUINA ASI PAULI WAYNE FONG: Faafetai lava i lau Afioga i le Fofoga Fatalai. Ia o le a ou faatalofa atu i Sui o le Atua o lo o nonomanu i nuu taitasi, o latou o lo o asuina le vai o le talalelei, aemaise foi le folafolaina o le talalelei i le tatou atunuu, ae o le a taumafai atu se manatu. E leai e vave lava foi se manatu lau Afioga i le Fofoga Fatalai. E le o afaina tele ia te au lafoga a faifeau, aua e le faia e faifeau a latou lafoga, a o le popolega lea e ia te au, o le tutusa uma o tagata i lafoga, e aafia ai tagata lolotu o ekalesia taitasi, aua a leai latou e leai ni lafoga a faifeau, a leai foi aulotu, e leai foi ni alofa o le faifeau. O le mea la lea, o le a taatia le faifeau, aua o tagata lolotu lava, o latou na e fuafua le latou foai i lea vайасо ma lea masina ma le tausaga atoa. Ae talitonu le agaga, leaga o tatou o tagata lolotu, e le mafai ona tatou fiu ai i lea mea, leaga e faigata o tatou o lo o manaomia le manuia. E le mafai foi ona tatou fiu i lafoga a le Malo e aumai, leaga foi o lea tatou te iloa, a lafo le lafoga, e tele lona fesoasoani. A e lafo foi le faifeau, e tele foi le manuia. O le mea la e tulai mai i tulaga faapea, o le a matua lafo i ekalesia taitasi ina ia faateleina ai le manuia o le faifeau manuia tagata lolotu, manuia ai ma le Malo. O le agaga tonu lava lea o lea e taumafai atu ai lau Afioga i le Fofoga Fatalai. O le a le mafatia la se isi tulaga, o le a toe mafatia lava tagata ia ua uma ona tipi le lafoga, o latou ua ave latou lafoga i le Malo.

Sa i ai le agaga o le a toe aumai e le Afioga i le Minisita le income tax return lea mo tagata faigaluega, ae toe aumai i totonu ina ia maua ai se faamamaavega i tagata faigaluega o lo o lalafo i totonu o aulotu taitasi ma o lo o faigaluega foi i le Malo ina ia maua mai ai se isi faamamaavega i le tulaga lea, aua o lea o le a foai i le isi lima, ae toe aumai i le isi lima lea o le Malo. Ae peitai, atonu e i ai se taimi o le agai atu i luma a o le i uma lenei Paeaiga, e tatau ona toe aumai ai le income tax return lea, ua matua mafatia lava tagata faigaluega i le taimi lenei ona o le lafoga lenei. O lea foi la o le a toe taumafai atu i le lafoga a faifeau, o le faiga sao lava e tatau ona i ai, e tatau ona aveese mai lafoga a le faifeau mai le alofa ua uma ona foai, ae leaga e faigata o le tatou atunu o tagata e ese foi o latou uiga, e fia tagata lau Afioga i le Fofoga Fetalai.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

O le mea lava e popole ai, i te i foi ua o ifo latou fai le lafoga a le faifeau ae tumau ai lava le alofa o le faifeau. O le popolega la lena o lea e popole ai lenei sui usufono, leaga o le itumalo lea o Nuu Tu Taulaga i Sisifo, e selau ma selau lotu, e selau ma selau tagata lolotu faatele i le selau, e ova atu ma le population o Samoa lau Afioga tagata lolotu i inei, aemaise foi i latou o lo o tautuaina ekalesia ma le Malo. Ae faafetai i lau Afioga i le Minisita . Na pau lava lau tatalo lau Afioga i le Minisita, o lea la o le a tipi nai faifeau, oi leai e le tipia faifeau, o lea o le a ao lafoga a faifeau, a e oo atu i gatai i le matou nuu i Vaigaga o la e tu ai le pa, o le pa na faaleagaina i le auala ina ua fai. Ia e alofa mai, e tatalo atu i le Minisita mo Galuega, faauma ia si a matou pa. Ona e vaai lea i ai o le a matua tele le lafoga o le a aoina i lea vaiaso ma lea vaiaso. Ua tele le fia taumafai atu i ai e fia maua, a o le faalavelave ua leai se tupe a le ekalesia e fai ai. O lea e tatalo atu ai i lau Afioga, e lagolagoina e lenei sui usufono lafoga a ekalesia, ae le o lauga a faifeau, e toe faaopoopo mo le tatou Faigamalo.

O se manatu lea, faafetai lava mo le avanoa.

FOFOGA FETALAI: Malo faafetai i le sui usufono mamalu. Ou te tapa se isi sui usufono e fia saunoa. Tulai mai le Afioga i le sui usufono mamalu mo Gagaifomauga Nu.3.

Afioga FAAULUSAU ROSA DUFFY-STOWERS (Gagaifomauga Nu.3): Faafetai i lau Afioga i le Fofoga Fetalai. E faatalofa atu foi i le Afioga i le Palemia ma le mamalu o le Kapaneta ma Minisita Lagolago faapea foi lenei Itu. E faatalofa atu foi i le tapuaiga lea tatou te potopoto ai i inei a Ofisa Sili o Pulega ma Pule Sili o Matagaluega ma Faalapotopotoga a le Malo, ae a le faafogafoga tapuai mai a Samoa, e faapea foi le Aufaigaluega Paia a le Atua.

Ua ou tulai atu ma lou ava ma le migao e tatau ai e faaleoina foi se manatu i luma o le Maota. O lou lagona, faafetai tele i lau Afioga i le Minisita mo le toa ma le aumaiga o le Tulafono Tau Faaofi lenei. Faamalo lava le tofa fetalai. O au lava ia ma lou talitonuga faa-sui usufono na o au ia, o le mea e amiotonu ona fai. O le tatou Malo, o lea e Faavae i le Atua, ma ua oo mai foi i lenei vaitau o le soifuaga o Samoa ma lona tutoatasi, ua malosi foi ma le faatuatua ia. Ma ou te talitonu foi ua alagatatau, o le taimi talafeagai lenei ua ao ai ona tuu atu se lafoga i le Aufaigaluega Paia a le Atua, tatou te puipui foi ia i latou, ua saoasaoa le soifuaga o lea tatou te ola ma soifua ai, ia aua ne i i ai ni faasea a le mamalu o le atunu i le Aufaigaluega Paia a le Atua ona o le le totogia o ni a latou lafoga, aemaise la lea o le faamatuuina atu o auaunaga a le Malo mo le soifua manuia o tagatanuu uma lava o Samoa e aofia ai ma le Aufaigaluega Paia a le Atua. Ou te talitonu o i latou ia o lo o nonomanu aua le manuia o Samoa, ma o le faaosofiaga foi lea o le latou faanonogamanu, lea ua faaosofia ai le Malo ina ia faia le tulaga lea, o le mea e amiotonu.

Ona faauma atu ai lea o se faamatalaga, ou te lagolagoina le Tulafono Tau Faaofi. *Justice is right, but giving is better.* Ma lou faaaloalo tele faafetai.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

FOFOGA FETALAI: Malo faafetai. Manaia le saunoaga a le sui usufono. A i ai lou faatuatua e leai se mea e faigata. If you have faith, everything is possible. Malo faafetai. Tulai mai le sui usufono mo Falealili Sisifo.

Tofa AUMUA ISAIA LAMEKO (Falealili Sisifo): Lau Afioga i le Fofoga Fetalai, faafetai mo lou avanoa i lenei taeao. E faafeiloai atu foi i le itu a le Malo, i le afio o lau Afioga i le Palemia ma le Sui Palemia ma Minisita o le Kapeneta, ma Minisita Lagolago, faapea foi le matou Itu nei. Faafetai foi i le tapuaiga a si ou itumalo, ae le gata i lea o le tapuaiga a le tatou atunuu, o le Fonousu a Samoa.

O le Tulafono Tau Faaofi lenei, o lou lava talitonuga e tolu lava vaega o lo o faamamafa ai le Tulafono Tau Faaofi. O le vaega muamua, o le atinae o le tatou tamaoaiga. O le vaega lona lua, ia tutusa avanoa mo tagata uma, aua o le manulauti o le Vaega Faauupufai a le HRPP, o le mea e lelei mo Apia, e lelei foi i Savaii, e lelei foi i nuu i tua. O lou la talitonuga, e momoli ai le faafetai tele i le Afioga i le Minisita e tusa ma lenei Tulafono Tau Faaofi, e saofaga ai avanoa tutusa mo tagata uma i le aoina lea o le lafoga. E fai lau faamatalaga muamua agai le lafoga lea ua teuteu le vaega o le... i le a fuafua i le vaega tuai o le lafoga, i lou talitonuga lau Afioga i le Fofoga Fetalai, ua i ai le vaega ua pau ai le lafoga. O le faataitaiga la lenei, e faapenei, i le lafoga tuai, a \$12,000 lou totogi i le tausaga e leai se lafoga. A o le tausaga lenei pe a faapea e oo atu i le aso 1 Ianuari 2018, a \$15,000 lou totogi, e leai se lafoga e totogia. O se faataitaiga afai i totogi o sui usufono, e \$88,301 i le tausaga. I le lafoga tuai i le \$12,000 i le leai o se lafoga, o le lafoga atoa a le sui usufono e aoina i le tausaga, e \$20,011. Ae i le system fou lea o lo o i ai nei pe a faapea e faataunuina, e \$19,311. O lona uiga, ua pau le lafoga i le \$650 i le tausaga. E momoli ai lau faafetai tele i le Malo e tusa ai ma lenei faamamaavega, e fuatasitutusa uma ai tagata faatatau i latou saofaga e aoina mai.

Ona oo lea o sau faamatalaga i le tulaga o le faauigaina o le upu lenei, o le tagata faigaluega. Fai lau sailiiliga i isi tatou Tulafono o lo o aumai ai le faauigaina o le upu lea employee, Tulafono o le ACC, Tulafono o le NPF, Tulafono o Leipa ma Galuega, e tutusa lava le faauigaina o le upu lea, tagata faigaluega. O le tatou Tulafono Tau Faaofi lea o le Income Tax 2012, o tagata faigaluega ua faauigaina o tagata taitasi ua faigaluega i se galuega. O lona uiga, so o se tagata lava e faigaluega. O le fesili foi e tulai mai aua o lea o lo o lausilafia, o ai e ona ina le galuega? Mo le Ao o le Malo, o lo o malamalamala lelei o le Malo e ona ina le galuega. Ae o lau faataitaiga i le tagata tausinuu, o ai e ona ina le galuega? O lau tali i ai, o le ekalesia o lo o tausinuu ai le faifeau. O le ekalesia la lea o lo o i ai a latou exemption grant, o le Taitaifono, o le Failautusi, o le Teutupe, o i latou la ia e faagaoioia le lafoga lea a faifeau. Ua ou manatu i le lua vaiaso talu ai sa tufatufa atu ai tupe a le Malo i Faalapotopotoga Tumaoti.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

E momoli atu ai le faafetai i le Malo, ua afea foi aoga a Ekalesia, sa tufatufa atu i ai meaalofa tupe aua le faagaoioiga o latou aoga. O le fesili lena o lea e tulai mai i lou sui usufono, po o fea e sau ai le tupe lea e faamatuu atu i le Malo i aoga ma aogaaa e sau lava mai le aoina o lafoga a le Malo.

E momoli atu ai lau faafetai tele ma le lagolago e tusa ai ma lenei Tulafono Tau Faaofi. Ona ou see mai lea i le vaega lea o lo o ave i ai le faamamaavega mo i latou e ave atu i fafo. Na pau lava lau tala i le Minisita, pei o le tulaga lea sa taua ai tupe mama, lea e tatau ona toe faafoi mai totonu o le tatou atunuu. O le talosaga vaivai aua e tele nisi o kamupani ua auina atu tatou oloa i fafo, e faaaogaina foi le tupe lea e toe faatauina mai ai nisi oloa i totonu o le tatou atunuu. E le mafai ona faatagaina le aumai o le lisiti ina ia mafai ona totogi ai le vaega lea o le pasene, ua faamaonia ai se tupe faasili. Ona ou manatua lava lea o le tala a le isi toeaina o le matou nuu, fai mai le tala a le toeaina, ôMo lou silafia, sa togi lafoga foi Iesu.Ô Ia e manatua lelei, o tatou o faifaitoaga ma faifaiva, e leai se tatou lafoga o totogi i le saofaga a le Malo e fua i ai lau tupe maua i le tausaga. E le afea i lea vaega, ae ua aoga le tatou VAGST ua tutusa uma ai lafoga a tagata e aoina mo lafoga. E momoli atu ai le faafetai i le Malo e tusa ai ma le faatoa faataunuina i le tausaga fou. Faafetai.

FOFOGA FETALAI: Malo faafetai. Ia tulai mai le sui usufono mamalu mo Salega Sasae.

Tofa OLO FITI AFOA VAAI (Salega Sasae): Faafetai atu i lau Afiofa i le Fofoga Fatalai mo le matou avanoa, faamalo foi le soifua i lau Afiofa i lenei taeao fou, faapea oi lau Afiofa i le Palemia ma le mamalu o le Kapaneta ma le paia o lenei Palestina. E le umi lava se manatu o lenei itumalo lau Afiofa i le Fofoga Fatalai.

O lenei Tulafono Tau Faaofi, tasi lenei o Tulafono Tau Faaofi e laualuga i totonu o le Tala Faasolopito o le Palestina lea ua lotea i le aso. E le o se Tulafono Tau Faaofi foi e faapaole le tatou talanoa i ona tulaga i le lelei o le Tulafono ma le....

Ae ou te le i tulai lau Afiofa i le Fofoga Fatalai, sa fai sina au tamai tatalo laiitiiti, tatalo i le Atua e fesoasoani mai i se lagona o lenei itumalo e faaali ona e taua le Tulafono. Ona musumusu mai lea o le Agaga ia te au, ou te talanoa atu i mea ia o le a ou talanoa atu ai. E ese foi o ta lagona ese foi ia le musumusuga a le Agaga i le tagata. E faigata lava lau Afiofa ona taufaufau se vaivaiga o lenei itumalo, ona o le faigata, e na o le tatou atunuu lava e tolu la e folau ai lo tatou sa, so o se Tulafono lava. O le aganuu, o le faakerisiano ma le faatemokarasi e o faatasi. E pei o le vaega lena e faufaugata ai se manatu i lau Afiofa i le Fofoga Fatalai. O le Tulafono la lenei, i lau matau atu e pei ua feteenai ia le faatemokarasi ma le talitonuga faakerisiano o o tatou tagata, i mafaufauga i faiga faavae e tatau ona taiala ai lo tatou sa.

27 IUNI 2017

Tulafono Tau Faaofi o Teuteuga o le Tulafono o Lafoga o Tupe Maua 2017 – felafolofoaiga faaaauau i luga o le faitauga faalua

E tele lava nai sui usufono ua sausaunoa faapena foi i nisi o faasalalauga i nisi o tagata o le tatou atunu faapea, e le tatau lava ona faia ni tax a faifeau ona o Suli Vaaia lea o lo tatou Alii Faaola. Ae manatua foi lau Afioga i le Fofoga Fetalai, o faalupega foi ia e tolu o le tatou Alii Faaola, ua i Lona ua le Malo, o le Alii o le Filemu, o le Faipule ae e leai se Faifeau. I lou manatu lau Afioga i le Fofoga Fetalai, o nai mea lava tatou te talanoa ai, o lea foi ua talanoa ai Suli Vaaia o lo tatou Alii Faaola leaga o tatou o sui usufono. Ona mulimuli ane lea o se finagalo o le Aufaigaluega, ae ua tatou avatua i i mea e ao ona taiala ai lo tatou atunu i le taumafaiga o lo tatou atunu.

Lau Afioga i le Fofoga Fetalai, o le a le agai sau tala i le isi vaega o le Tulafono, o la ua taoto manino lava le tele o vaega, faafetai foi i lau afioga i le Minisita i le fesoasoani lea i le taumafaiga o tatou oloa e avatu i fafo ia ua manino lena vaega.

Ae o le vaega muamua lau Afioga i le Fofoga Fatalai, o le ituaiga mataupu lenei, o mataupu ia e tau e le tatou Malo o mataupu e vaai mamao, e silasila mamao, o lona uiga la, e le o se mataupu e tatau ona vave fai pe vavevave o lona uiga ua leva ona fuafua le mataupu. O lou talitonuga sa tatau ona aumai i luga o le menifesi foi lea a le Faigamalo i le taimi o Faiga Palota. Aua o le upu moni lava lau Afioga i le Fofoga Fatalai, ana aumai le mea lea, tou te faiaina ia matou ma le Afioga i le sui usufono mo Falealupo ma le sui usufono mo Aana Alofi Nu.2 le mataupu lea pe ana faapea e aumai i luga o le menifesi. Aua o le menifesi o galuega o polokalame ia, developments ia faataooto a le Malo mo le lima tausaga, peitai e le o i ai ae ui i lea, e le afaina. O le tulaga i faiga lafoga ia a faifeau lau Afioga i le Fofoga Fatalai o lea o le a tax, ia tax atu ai ma teutusi foi ia a faifeau lea o le a maua nei i faaaloalogia. Lau Afioga i le Fofoga Fatalai, a tuu mai i le faatemokarasi, it is fair, I say yes. Ona e tatau ona agavaa tutusa ia tagata uma i le Tulafono i mea ia o lafoga ma tulaga faapena. Ae sa leai se manatu e fai ni lafoga a faifeau. Sa ou tilotilo au ia i faiga taulaga, aua o lafoga a faifeau e tusa o tupe ia e weekly pe tai fortnight a tagata faigaluega, o lea e faimeaalofa ai i faifeau e fuafua i ai le paketi a tagata faigaluega. Aua e contribute uma lava so o se tagata Samoa i le lafoga lea. E pei foi ona malie i saunoaga a se tasi o sui usufono, o le upu lea faifeau i totonusi o le Tulafono e leai sona afaina tele, a o contributors lea e amoaa ma pau i ai le mamafa o le Tulafono lenei. E manatua le mea lea na ou fai atu ai i taulaga, aua o tupe ia e gasolo ai le mamalu o le atunu o e o i faletupe e loan, e fai ai taulaga. Ma e le i lalo ifo se \$1,000 faasolo atu agai i luga ia tupe ia, e tatau ona tax tupe na i lo o tupe ia e ave faameaalofa i peleki o faifeau, leaga o tupe ia o lea e o tagata e ave i ai e tetele tupe ma fai ai pisinisi a ekalesia. I lou lena manatu sa le tatau ona tax faifeau, ae tax faigataulaga a ekalesia uma.

Lau afioga i le Fofoga Fatalai, ona oo mai lea o sou popolega i le Tulafono lenei. O le Tulafono lenei o le upu moni lava lau Afioga i le Fofoga Fatalai, o le a i ai nisi mafaufauga i le aufaigaluega, aemaise o faifeau faatasi ai ma lana aulotu, aemaise o le failautusi.

27 IUNI 2017

Tulafono Tau Faaofi o Teuteuga o le Tulafono o Lafoga o Tupe Maua 2017 – fela folafoaiga faaaauau i luga o le faitauga faalua

Aua o le upu moni, o faifeau e le i pepelo o le a matuai pepelo lava faifeau i le mea lea, o upu tuusao lava lea e fai atu. Ma po o le a le \$15,000 lea o le a faagata ai le tax o faifeau, tatou mataitu le mea lena. E leai ma seí .

Afioga Hon Faumuina Tiatia Faaolatane Liuga: Lau Afioga i le Fofoga Fetalaíí .

FOFOGA FETALAI: Malie le sui usufono o lo o saunoa, ae se i tulai mai le faauilavea o le sui usufono mo Palauli le Falefa.

Afioga Hon Faumuina Tiatia Faaolatane Liuga: Leaga o lea ua saunoa le sui usufono, e lua mea ou te fia faauilavea ai. Muamua, e le o le Malo aua e le o le Itu Agai e i ai ia o le sui usufono tutoatas. O lona lua, o lea ua taupepeloina nai faifeau e le mafai ona latou tali mai. Ou te fautuaina le sui usufono ina ia tuu i tua ia upu o lana saunoaga, ma lou faaaloalo lava.

FOFOGA FETALAI: Malo, sa ou faatali se i tulai mai se sui usufono e fesoasoani i le sui usufono o lo o saunoa, e faapena. O faiga faavae i tulaga masani o a tatou Fonotaga ina ia mama le sausau ma e fai fuafua foi le saunoaga a le sui mamalu, i le paia o le atunu u le o mafai ona tali mai I a outou saunoaga. A o lea e matau atu, e faamalulu atu, aua le naunau tele i le ia, ae ia manumanu i le upega. O lou lava lea finagalo, ae ese foi le finagalo o le Malo na ala ai ona tuuina mai lenei Tulafono, ese foi le matau a le Aufaigaluega Paia a le Atua. E le tagatasi ia faifeau, e tofu foi le faifeau ma lona finagalo, a o le sini o na mea uma o le amiotonu. O lena e misi i lau saunoaga le amiotonu. Tulai mai le sui usufono e faaaauau le saunoaga.

FOFOGA FETALAI: Malie se i tulai mai le afioga i le Palemia.

Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi: E faigata lou nofonofo ae aumai ni manatu le faavaea. Atonu e toe saunoa atu ai le Minisita mulimuli. O le mea lea o income o tupe maua a tagata e faavae ai a latou lafoga, o tupe foi ia e maua tai lua vaiaso, tai vaiaso po o le tai masina. E i ai le taimi sa totogi ai ia sui usufono tai masina. O lou totogi muamua faatoa ou te i ai, a o le taimi faatoa ou Minisita ai i le Tupe, ua ou suia atoa le taimi e totogi ai ia le Palemene e totogi faatasi tai lua vaiaso. O tupe la oe e maua mai regular, e sau sau pea lava e auala mai i alofa o le mea lena e igoa o le income, o le definition lena e tasi lava le definition o nei mea o tupe e faavae ai ia lafoga i le lalolagi atoa. Ou te le iloa po o fea na e oso mai ai ma au teutusi.

O le vaega lona lua, e leai ni lafoga i luga o le taulaga, e pei lava o foai e ave I mo galuega charity. E leai foi ni galuega e faia i na mea. E pumoomoo lava le Tulafono e vaapiapi, e na o le pau lava le mea o le tupe lava e masani ona maua tai lua lava vайасо, a sau lava e \$1,000 a le faifeau i le masina, e na o le pau lava lena o lana mea e maua.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

Afai la e \$1,000 a le faifeau e oo atu i le faaiuga o le tausaga e \$12,000 e leai foi la sana lafoga e totogia. O lona uiga la, afai o faafofoga mai faifeau uma lava, e na o le pau lava lena o si ana mea lea e maua, e leai se mea o le a tetee ai fua i le Tulafono. Aua e na o le pau lava lena o lana mea e maua, e leai ai foi sana Tulafono, a o lea e free lava e feoai i luga o le aualatele ma mea faapena o lea e faatupe i lafoga a oe ma au ma le Palestene nei. O le mea lena ua ou manatu ai e faasao leaga o la e faafofoga mai tagata, ma faapea, o lona uiga ua lafoia foi ma taulaga. E leai ni tulaga e lafoia i le tatou Tulafono.

FOFOGA FETALAI: Tapa ma le faaaloalo le sui usufono mamalu mo Salega Sasae.

Tofa OLO FITI AFOA VAAI: Faafetai i lau Afioga i le Fofoga Fetalai. Po o matau mai e le sui usufono sa faaui lavae nei, ou te le o fai atu e pepelo le faifeau. Ae o le a oo i ai i tulaga o mea ia. E manino lava lava lau faaaliga. Sa ou faapea la matou Itu Agai e felagolagomai, sa sili ai ona alu e vaai se isi mea e Minisita mai o, aua e nofo atu i i, ae o la e naunau i o i le mea na i ai.

Afioga Hon Faumuina Tiatia Faaolatane Liuga (Palauli le Falefa): Lau Afioga i le Fofoga Fetalaií .

FOFOGA FETALAI: Se i toe tulai mai le sui usufono mo Palauli le Falefa.

Afioga Hon Faumuina Tiatia Faaolatane Liuga: Faafetai i le sui usufono mo Salega Sasae, o le a, po o le pepelo, o le mea lava e tasi. E tau loa le pepelo ua e label ina le tagata, ma lou faaaloalo lava.

FOFOGA FETALAI: Tulai mai le sui usufono mo Salega Sasae.

Tofa OLO FITI AFOA VAAI: E fia faaali se manatu o lenei itumalo, aua o le tulaga lea na ou fai atu ai, manatua foi la failautusi a faifeau o o latou limataumatau ia. E sao a fesiligia le amiontu ae ou te talitonu lava lau Afioga i le Fofoga Fetalaií .

FOFOGA FETALAI: Ou te fautuaina le sui usufono e see ese ma ia tulaga. Faasaoina lou taimi leaga ua maea lou taimi. Se i faaiu mai le saunoaga.

Tofa OLO FITI AFOA VAAI: O le isi vaega o le Tulafono lea mo isi tupe maua foi ia a faifeau, e ala i le latou galuega e tai pei o teutusi o faaaloaloga. O lau fesili lau Afioga i le Fofoga Fetalai, o ai la o le ofisa o le a alu e tutu i o ma vaai pe fia le teutusi le la? Aua e mafai ona fai eí .

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

FOFOGA FETALAI: E fesoasoani atu i le sui usufono mamalu, sa faamalamalamaina e le Malo le itu lea ananafi o e toesea ma la tatou Fono. E fesoasoani atu mo le faasaoina o lou taimi.

Afioga Hon Tialavea Fea Leniu Tionisio Hunt: Lau Afioga i le Fofoga Fetalaií .

FOFOGA FETALAI: Tulai mai le Minisita e ana ia le Tulafono.

Afioga Hon Tialavea Fea Leniu Tionisio Hunt: Leaga sa i fafo le sui usufono ananafi. E le o aafia ia teutusi ia e maua mai malii, faaipoipoga ma saofai. O le Tulafono lava ia e alu na o le tupe lea e maua mai i le alofa. O le faatumuga foi o P4 ia e faatumu mai e le faifeau, e tuu lava i le faitalia o le faifeau i le tupe na te faatumuina mai. Pe ave foi i le komiti a le ekalesia e faatumua mai po o le teutupe a le ekalesia, e responsible lava le faifeau i le form lea P4, e tatau lava ona saini mai ai le aao o le faifeau, ua na talia e sao ma atoatoa. A o le amount ia e aumai, o la lava e tuu i le Auauna a le Atua i le faamaoni. Matou te le tulituliloaina, o a lava ni amount e aumai o le na, ae matou te le o tax inaí . Ua uma lava ona faasalalau ma matou faailoa i faifeau o faaipoipoga ma isi teutusi ia e maua mai i tua, vagana ua sui e ekalesia le foai lea i le Aso Sa, Aso Gafua, Aso Lua, Aso Lulu, Aso Tofi. Leaga i te i ua, ae o le agaga lava ia mo malii e seasea lava ona faapea e malii uma i vaiaso faaipoipo, i vaiaso uma, saofai i vaiaso uma. E tutusa lava ma a outou Afioga, o na lava e maua a outou seleni ae e le o totogia foi se lafoga.

FOFOGA FETALAI: Malo faafetai. Tulai mai le Palemia e faaopoopo i le faamalamalamaga.

Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi: Sau lava i tupe maua masani, s a n i, tupe maua masani. Ne i te i ua e sese i le tasi o le oti ae toluselau faifeau e auai. Ia manatua e le oti lava i vaiaso uma ia tagata. E moni lava la e tai ova i le toluselau ia nai faifeau e o ai, ae e le o se mea e masani ai, a. E le mafai foi ona oo i ai se fuafuaga a le Matagaluega i na mea ona e le o se mea foi lea regular, e tupu soo mea e masani ai, tupu soo o le vaiaso po o le tai lua vaiaso ma maua. E faapea lava i lafolafoga e fai i le Aso Sa, o isi falesa e tai vaiaso o isi falesa e tai lua vaiaso o isi falesa e tai masina. Ae pei o le tulaga lena, e ala ona ou taufaamanino atu nei mea, ae pei lava e le lotu le sui usufono na te le silafia ai mea faapea ma taimi e lafolafoga ai.

FOFOGA FETALAI: Tulai mai le sui usufono mo Salega e faaiu mai le saunoaga ua maea lou taimi.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

Tofa OLO FITI AFOA VAAI: Lau Afioga i le Fofoga Fetalai, e mafua ona ou taua le vaega lea, silasila i le vaega tolu o le Tulafono i le fuaipu 10 lena e teuteu. O le vaega (a), saofaga tau tupe e faia e sui o le aulotu, o lona uiga o peleti ia ma alofa. Alu ifo i le vaega (b), tupe maua mai i le auaunaga, latou te faatinoina a latou matafaioi o le avea ai ma faifeau tausinuu. O le a la le isi alagatupe lena? O mea ia o teutusi o le alu e asiasi i aiga po o a mai i aso uma aso uma, ave ifo i ai se \$10 i ai isi faifeau. O mea uma na o lea ua aumai e le Tulafono e tax.

FOFOGA FETALAI: Masalo o lou lava faauigaina lea o le Tulafono. O lou lava lena finagalo le sui mamalu e, ae ese le agaga o le Malo. Faaiu mai le saunoaga ua maea lou taimi.

Tofa OLO FITI AFOA VAAI: Ua lava lenei laugaí .

FOFOGA FETALAI: Leaga e tagatasi lava a outou saunoaga. Ua lava lena.

Tofa OLO FITI AFOA VAAI: E fou lea ou te saunoa atu ai lau Afioga, ae ua lava lea faafetai lava mo le avanoa.

FOFOGA FETALAI: Malo saunoa, se o le mea lea e lelei ai sui usufono matutua o le vave ona fesoasoani mai i le galuega a le Fofoga Fetalai.

Afioga Hon LOAU SOLA KENETI SIO (Minisita mo Aoga, Taalogma Aganuu): Lau Afioga i le Fofoga Fetalaií .

FOFOGA FETALAI: Tulai mai le Minisita mo Aoga, Taalogma ma Aganuu.

Afioga Hon LOAU SOLA KENETI SIO: E lagona foi le 1 fia nofonofo foi i le Tulafono lau Afioga i le Fofoga Fetalai. Ua alofa foi i le uso a Minisita e ona le Tulafono.

FOFOGA FETALAI: E te fia saunoa i le Tulafono?

Afioga Hon LOAU SOLA KENETI SIO: E na ona faamalamalama o nai mea laiti.

FOFOGA FETALAI: Ia lelei, se i faapuupuu mai.

Afioga Hon LOAU SOLA KENETI SIO: Faafetai. Leai ne i te i ua lilifa tele ia saunoaga a sui usufono i faifeau e le o totogia ni a latou lafoga. Ae galo ai ia i latou le isi vailiu lea, i nai faifeau e toatele foi o lo o totogi a latou lafoga i le taimi lenei. Talu ai e le o i ai se Tulafono o le ala lea.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

O lona uiga o la e faasolitulafono le totogiina o lafoga a nai faifeau na, ne i te i ua liliha tele i faifeau e le o totogia, ae galo ai ia i tatou faifeau o lo o totogi i le taimi lenei, ma le agaga faaaloalo.

FOFOGA FETALAI: Malo faafetai. O le tatou faavae e faamanatu atu, e tutusa aia a tagata. Ua ou manatu o lea o le a tuu atu e saunoa.

Afioga Hon Faumuina Tiatia Faaolatane Liuga: Lau Afioga e le o soitulafono ia faifeau. E i ai le mea e tau o le voluntary contribution e fai i lou loto fuatiaifo, faafetai.

FOFOGA FETALAI: E masalo ua lava ia saunoaga mo lenei Tulafono Tau Faaofi. Ua ou manatu e tagatasi uma lava saunoaga. E moni lava e tofu le sui usufono mamalu o le Palemene ma lana faauigaina o le Tulafono, ia ae auga lava i le mea e tasi. E manatu foi o le amiontonu e faapena ona tatou o, po o fea lava e taoto ai faiga faavae. Na taua foi e le sui usufono e aiga uma lava tatou i faifeau. O le faatinoga o le amiontonu o le mea aupito sili lena ona taua ina ia tutusa aia a tagata. Ia faapena ona tutusa aia a le atunuu aua le afisia le isi ae faasavali le isi. E pei e faapena le agaga foi o lenei Tulafono. I le matau atu o le aotelega lena o le Tulafono e pei ona tuuina mai e le Malo. E te toe fia saunoa lau Afioga i le Minisita Lagolago

Afioga PESETA VAIFOU TEVAGAENA (Faasaleleaga Nu.4): Ioe lau Afioga.

FOFOGA FETALAI: O lea ou te fesili atu pe e te fia saunoa.

Afioga PESETA VAIFOU TEVAGAENA: O lea lava lau Afioga i le Fofoga Fetalai.

FOFOGA FETALAI: Ua lelei ae faapuupuu mai le sui usufono mo Faasaleleaga Nu. 4.

Afioga PESETA VAIFOU TEVAGAENA: E momoli atu le faamalo ma le faafetai, ua maua foi se avanoa o lenei itumalo e fia faaalia ai foi se sao i lenei Tulafono Tau Faaofi. Ma o se Tulafono foi ua tele ni manatu e faaalia. Ae o lenei foi Tulafono Tau Faaofi, atonu lava o se Tulafono e faapopole ai nisi foi o i latou e aumua i ai le Tulafono, ae ou te talitonu, o le toatele lava o nisi o le atunuu e fia tofu sao i lo tatou Malo ma lo tatou atunuu i lona tautuaina.

Lau Afioga ina ua faatalanoaina le Tulafono lenei, e tasi lava le auga na oo mai i lou mafaufau ou te fia agai lava i le Tusi Paia. Ou te fia aumaia mau o le Tusi Paia e lagolago ai le Tulafono. O le mea lea lau Afioga i le Minisita o Tupe Maua, e momoli atu lau faamalo ma lau faafetai i lau Afioga, e faapea foi lau Minisita Lagolago.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

E faapitoaugafa foi lau faafetai i le Afioga ia Matafeo Avalisa ma le Matagaluega, ona o le Tulafono lenei ua leoleoa le Maota lenei. O le mea lea lau afioga i le Fofoga Fetalai, e le nofonofo ai lou nei sui usufono ona o lea ua afea lafoga a Auauna a le Atua e pei ona taua mai e le Tusi Paia. O se taimi ona ou oo atu lea i le Tusi Paia.

Lau Afioga o au, na ou ola ma ou fanau i le eleele na taunu i ai le Talalelei i Lealatele, o le ala foi lea ou te lagolagoina ai le Tulafono. Ona ou te talitonu o lo o faafogofoga mai Auauna a le Atua i lou itumalo, o lo o fia togimaa foi ma fia lo latou sao. Lau Afioga, masalo o le toatele o nisi o tagata, e pei e fafaigata le Tulafono ona o lea latou te agai pea i le faitauina o le mau lea i le Tusi Paia Samoa. I le mau lea a Paulo i lana Tusi ia Roma.

FOFOGA FETALAI: Malo, faapea au ua e toe sau ia Sakaio o Sakaioí .

Afioga PESETA VAIFOU TEVAGAENA: Lau Afioga i le Fofoga Fetalai, se i faamanino atu pea.

Afioga Sulamanaia Fetaiai Tauiliili Tuivasa: Fai maua se avanoa lau Afioga i le Fofoga Fetalai.

FOFOGA FETALAI: Malie le sui usufono mo Vaimauga Sasae, se i e fesoasoani mulimuli se i maea le saunoaga a le sui usufono.

Afioga Sulamanaia Fetaiai Tauiliili Tuivasa: Na o si au fesoasoani lava pe maua se avanoa lau Afioga.

FOFOGA FETALAI: Se i faanatinati mai le fesoasoani a le sui usufono.

Afioga Sulamanaia Fetaiai Tauiliili Tuivasa: O lea ua saunoa le Minisita Lagolago po o le lima taumatau foi o le Palemia i le Tulafono i le Tusi Paia, ae aua ne i galo i le sui usufono. E te silafia foi le sefululua o le fanauga po o ituaiga o Isaraelu. E i ai le vaega lea o Sa Levi, o Sa Levi e le o i ai ni o latou fanua, e le o i ai ni o latou eleele, e tausi e le vaega lea sefulutasi o le ituaiga o Isaraelu. Ne i te i ua lilifa le, ae fesoasoani atu i le vaega lea.

FOFOGA FETALAI: O lea la ua taunu ai le upu a le toeaina Fasitoo, -ua fenanui ia Talaqā ae nofo le palagi, -ua talanoa outou i le Tusi Paia ae o la e i ai le Aufaigaluega a le Atua o la e faalogologo mai. Faapuupuu mai le mea tau Tusi Paia leaga o la e i ai faifeau o le latou matafaioi. Tatou o tatou i le tatou faapolokiki.

Afioga PESETA VAIFOU TEVAGAENA: Leaga o lea e aumai e le sui usufono mamalu e pei o fanau lea ou te talanoa ai. E leai e le o fanua lea ou te talanoa ai o lafoga.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

O se taimi ona ou lau atua lea o le tatou Tusi Paia Samoa ona faigofie ai lava lea ona malamalama. Ae o lea o le a ou agai atu i le Tusi Paia Palagi e faigofie ai.

Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi: Lau Afioga i le Fofoga Fetalaií .

FOFOGA FETALAI: Tulai mai lau Afioga i le Palemia.

Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi: Ua faigata ia te au i le faapea o loøu limataumatau, e le o sou limataumatau. Ae pau le mea, se i o tatou faalogologo po a mea moto a le Minisita Lagolago lea e fia aumai. E le iloa pe moto ee, ona tulai mai lea o le sui usufono e toe faasao.

FOFOGA FETALAI: Se i faanatinai mai la le mau a le Tusi Paia a le Afioga i le Minisita Lagolago.

Afioga PESETA VAIFOU TEVAGAENA: Fai mai le Tusi lea a Paulo ia Roma i le gagana faa-Peretania aua a tatou o loa i le faa-Peretania ona vave lava lea ona maua le tali o le Tulafono lea. Fai mai; *This is also why you pay taxes for the authorities and God servant who give their full name to governing give everyone what you owe Him. If you owe taxes, pay taxes, if revenue then revenue, if respect then respect, if honor then honor.* ØE simple lava lau Afioga i le Fofoga Fetalai.

FOFOGA FETALAI: Se i tuu ifo le tusi lena e te faitau maia?

Afioga PESETA VAIFOU TEVAGAENA: Silasila mai le Palestene i le tusi lea, e foliga mai e le o se Tusi Paia, silasila mai i le tusi lea, ou te manao foi i le Minisita o Tupe Maua ou te avea i ai le tusi lea.

Afioga Sulamanaia Fetaiai Tauiliili Tuivasa: Lau Afioga i le Fofoga Fetalai pe maua se avanoa?

Afioga PESETA VAIFOU TEVAGAENA: Lau Afioga i le Fofoga Fetalai fai mai le tusi lea, *Is a Woman Devotional Bible.* ' O le tusi lenei o lou asofanau na aumai ai i le tina, o le tina matua lava na aumaia le tusi lenei, fai mai, ØPeseta o lou taiala lea i le Palestene, o mea uma e te talanoa ai ia e talanoa lava i le Tusi Paia. Ø O le mea lea lau Afioga o lea e manino ai i i, everyone must pay taxes.

FOFOGA FETALAI: Malo faafetai.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

Afioga PESETA VAIFOU TEVAGAENA: Everyone must pay taxes.

Afioga Sulamanaia Fetaiai Tauiliili Tuivasa: Lau Afioga i le Fofoga Fetalaí, se i fai atu lava si manatu e faamaonia ai e le sui usufono.

Afioga PESETA VAIFOU TEVAGAENA: Ou te faafetai i lau Afiogaí .

FOFOGA FETALAI: E faamalulu atu i le sui usufono se i i ai se taimi, ona ou tapa lea o le tusi lea e aumai, o le a tufatufa atu se i outou silasila i ai. Ae se i i ai se taimi se i maea le saunoaga a le sui usufono. Se malilie ia outou o sui usufono mamalu o le a tuu atu lava le avanoa ia outou. Faaiu mai le saunoaga a le sui usufono mo Faasaleleaga Nu. 4.

Afioga PESETA VAIFOU TEVAGAENA: A outou Afioga, a fai le tatou ti ona outou savalivali mai lea i i tatou te talanoa i le tusi lea.

E momoli lau faafetai i lau Afioga i le Minisita mo Tupe Maua ona o lau Tulafono. O lea ua tatou faalogologo i le mau lea mai i le Tusi Paia a le Atua. E le o faapea mai le mau, e na o le \$15,000 a oo i ai ona fai lea o lafoga. Vaai i le faamamaavega lea ua fai e le Malo, ma o le mea lea e sau i i, totogi uma pe \$1 \$2 yes, pay taxes. O le mea lea ia malamalama. Ae o le faalavelave o le mea lea e tupu, o lea o le a faitau atu le Tusi Paia Samoa ona faigofie ai lava lea o le mataupu. Fai mai le Tusi Paia Samoaí .

Afioga Fuimaono Teo Samuelu Teo (Falealili Sasaé): Lau Afioga i le Fofoga Fetalaí .

Afioga Alaiasa Muagututia Moefaauo Malagaitutogiai Sepulona Moananu (Anoanaa Sasaé): Lau Afioga ua ou leiloa po o ai latou.

Afioga Fuimaono Teo Samuelu Teo: Lau Afioga i le Fofoga Fetalaí .

FOFOGA FETALAI: Se i malie lavaí .

Afioga PESETA VAIFOU TEVAGAENA: E fai mai le upu faasamo, o le mea foí .

Afioga Alaiasa Muagututia Moefaauo Malagaitutogiai Sepulona Moananu: O au o le faifeau, ae pe mata o i ai le upu lea, 'Ia e faamagalo atu i e o agaleaga mai ia te ia,' i totonu o le tusi lea. O lea mea lea o lea ou te fia malamalama ai leaga o lea e sailiili i le Tusi Paiaí .

FOFOGA FETALAI: Ua maua atu le saunoaga a le sui usufono, e le o lavea le faamagalo i le tatou Tulafono lenei.

27 IUNI 2017

Tulafono Tau Faaofi o Teuteuga o le Tulafono o Lafoga o Tupe Maua 2017 – felafolafoaiga faaaauau i luga o le faiatauga faalua

Afioga PESETA VAIFOU TEVAGAENA: Fai mai le faasamoaa i le upulea, leaga o lea e faafogaa le Palemene ina ia manino lava le manatu o le suisufono lenei.

FOFOGA FETALAI: Faapuupuu mai.

Afioga PESETA VAIFOU TEVAGAENA: Fai mai le faasamoa, o le mea foi lea tou te avatu ai taulaga. Silasila la i le eseesega, ae a sau le faa-Peretania ua le taulaga ae taxes.

Afioga Fuimaono Teo Samuelu Teo: Lau Afioga i le Fofoga Fetralai ma le faaalaoalo lava.

Afioga PESETA VAIFOU TEVAGAENA: O le mafuaaga lena e ala ai ona ou fai atu i le mea lea, ou te lagolago ai le Tulafono.

FOFOGA FETALAI: O lea ua manino le message, malo faafetai. Ua maea lou tajmi.

Afioga PESETA VAIFOU TEVAGAENA: Ona momoli atu lea o lau faafetai i lau Afioga i le Minisita e ana le Tulafono, aemaise foi le Afioga i le sui usufono mo Gagaifomauga Nu.2, malo ona o oe le isi tagata e lelei le mataupu silisili., ioe. A o le mea lea, nai ou uso a sui usufono, o lea mea lava lea tou te agai mai i ai, o le tusi lea. Ma lou faaalolo lava manuia le Fono.

FOFOGA FETALAI: Tulai mai lau Afioga i le Palemia.

Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi: Lau Afoga i le Fofoga Fetralai o lea mea lea na ou fautuaina ai se i tuu pea se avanoa i le sui usufono e aumai ai lona taofi. O lea faatoa tatou iloa uma lava i totonu o le Maota lenei, ana leai lenei Tulafono, e le faitaua lava e lenei sui usufono le Tusi Paia. E pau lena o le faaopoopo atu.

FOFOGA FETALAI: Malo faafetai. O le mea foi lea sa ou faamalulu atu ai i le tulai mai o le sui usufono mamalu mo Anoamaa Sasae, aua o lea lava e silafia e le Palemene o le apostolo o le tagata e maua tofi o le ekalesia. Ae faamalulu atu e pei o le tulaga lena.

Afioga Fuimaono Teo Samuelu Teo: Lau Afiogaí .

FOFOGA FETALAI: Ua i ai le manatu ua tagatasi saunoaga o lea lava ua tatou oo i le Tusi Paia ma ona mau e pei o mau ona tuuina mai.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

Afioga Fuimaono Teo Samuelu Teo: Lau Afioga i le Fofoga Fetalaí .

Afioga Alaiasa Muagututia Moefaauo Malagaitutogiai Sepulona Moananu: O sina manatu o lenei itumalo pe a maua se avanoa.

Afioga Fuimaono Teo Samuelu Teo: Lau Afioga i le Fofoga Fetalaí .

FOFOGA FETALAI: E masalo e toe toalua sui usufono lea o le a tuu atu i ai le avanoa, o le sui usufono mo Anoamaa Sasae ma le sui usufono mo Falealili Sasae, ona tatou faagasolo loa lea. Se o lo outou lava lea finagalo ma le tulaga o lo o i ai. Ae se i o tatou see i luma, faapea ni tulafono a Metai ma Peresia. Ioe o le Tulafono se i fai, aua o le Tulafono a tatou, e toe fesuiai lava ma teuteu mai lea taimi i lea taimi. E faapena se lagona, ae le faapea o le a tatou taumafai lava e saili le tulaga o lo outou finagalo. O outou lava ia finagalo i le faauigaina e sui usufono o lona lava iloa i le Tulafono. Ae i ai foi mafuaaga e tuuina mai e le Malo ia le tulaga o lenei Tulafono. O le mea lea, e toe toalua sui usufono. Tulai mai le sui usufono mo Anoamaa Sasae.

Afioga ALAIASA MUAGUTUTIA MOEFAAUO MALAGAITUTOGIAI SEPULONA MOANANU: E le umi lava se manatu i lenei Tulafono. E lagolagoina vaega uma o le Tulafono, aemaise tulaga ia i isi ituaiga lafoga ia ua agai mai e pei o le Capital Gain ma tulaga faapena. Na pau lava le mea lea sa saunoa le Minisita e faapea e tatau ona laugatasia le 117,000 tagata i le lafoga lea. Ae i ai le manatu, o lea e i ai le tatou VAGST pau lena o le lafoga e laugatasia uma ai le atunuu e oo lava i le pepe. E le mafai e le Tulafono lea ona aumai ai tulaga ia.

O le mau lea aua o lea lava tatou te o i le Tusi Paia, leaga o le faatonuga o nei mea o lafoga, o la e foi e i le Tusi Paia, õAua ne i iloa e lou lima taumatau le mea e fai e lou lima agavale.õ O le mea lena aua o lea ua toe agai mai nei la le mea ina ua maua ai la faamaumauga nei a ekalesia. Aua o le mea lea e laga i totonu o ekalesia, tuu ia lea mea o le lau mai o alofa, tuu ia lea mea o le lau mai o taulaga, aua o le latou foi agaga, pei se tactic foi lenei e faaosofia ai tagata. Ae a alu i le taiala a le Tusi Paia, e le mafai ona e iloa, e te alu atu lava oe monomono si au meaalofa i lau faifeau, e faapena.

O le mea lea na faitau mai e le sui usufono lea, manatua, e afio mai Iesu o pulea e Roma le lalolagi, o Tulafono faa-Roma ia e fai ai lafoga. A o le tulafono a le Nuu o le Atua, e le lafoga le aufaitaulaga. A o le Tulafono a le Malo o Roma, lea e fai mai ai le aufaigaluega, o e totogi lafoga. Fai mai loa Iesu, ‘silasila i le ata o le tupe, o ai le ata lena e i ai?’ O le ata o Kaisara. O Kaisara o le Malo o Roma. A o le tulaga lea....

FOFOGA FETALAI: Malie le sui usufono o lea ua maua. A o le tulaga lea.... Se e i ai le upu foi lea, e malu apefroe ae pisia ai fofoga, e faapena ona lagalaga ai le Maota. Tulai mai lau Afioga i le Palemia.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi: Lau Afioga i le Fofoga Fatalai, se i ou faasaoina atu le faifeau lea e saunoa. O le lafoga tonu lea lau Afioga i le Fofoga Fatalai na faatonu ai e le ao lafoga Iesu e totogi latou lafoga, o lafoga mo le malumalu. A o le lafoga lea na fesiliglia ai Iesu po o le ata o ai, o le lafoga lena mo Roma. E lua la ituaga lafoga ia. E pei o le mea lena sa ou tulai ai, se i faitau ane lava le tusi lea na faitau ai le sui usufono lea atonu e aoga foi lenei mea e amata ai ona faitau tusi.

FOFOGA FATALAI: Malie, se i ou tapa, o le tatou Tulafono Tumau, ou te tapa ona faatoa tulai mai ai lea, ae le o le tulai ane lava alu le tagata ia. Se o le mea lena e tau o le le manatu mai i le toeaina. O le mea la lea ua lava le faamalamalamaga lea ua saunoa i ai le Afioga i le Palemia. Ua uma le faamalamalamaga le sui usufono mo Anoamoa Sasae ua maea lou taimi.

Afioga ALAIASA MUAGUTUTIA MOEFAAUO MALAGAITUTOGIAI SEPULONA MOANANU: Ua lelei o lea o le a faaiu atu. O lau lava aotelega ua ou talanoa i faifeau o lou itumalo, o le mea moni lava o lea tou te malamalamaga i le tali, e le lagolagoina, ae i ai foi le agaga la e i ai, fai le finagalo o le Malo. O le mea foi la lea, ua ou talitonu ai au ia i lenei Tulafono Tau Faaofi, leaga a ou toe tomanatu i le leva ona tatou tuusaunoaina o le mea lenei. Aisea? E lua lava mea e faavae ai, o le faaaloalo ma le alofa. O poutu na ala ai ona ou iloa na le faia ai e tuaa ma taitai ua mavae le mea lenei, a o lea la ua tali mai latou, fai le finagalo o le Malo. O lea foi la ua ou fausia, ua uma foi la se manatu o lenei itumalo, ma le agaga faaaloalo. Ia manuia le Fono.

FOFOGA FATALAI: Malo faafetai lau Afioga i le faifeau, se i tulou lou tulai mai o le sui usufono mo Anoamoa Sasae. Malo faafetai. Ou te tapa le sui usufono mo Falealili Sasae ona faaiu lea e le sui usufono mo Palauli le Falefa lenei mataupu ae see loa i le tulaga o le faagasologa o le tatou galuega. Tulai mai le sui usufono mo Falealili Sasae.

Afioga FUIMAONO TEO SAMUELU TEO: E tulai ma le ava ma le faaaloalo tele i le pao ma le vavao o lau Afioga i le Fofoga Fatalai. E faatalofa atu i le ee papaaao o le Afioga i le Palemia aemaise foi Afioga i Minisita ma sui usufono o itumalo taitasi o le Malo o Samoa. Sa taumafai atu lava i le itula ua sola e pei ona tulai mai le Afioga i le Minisita Lagolago e tusa ai o lana Tusi Paia. Mo le silafia, e tele faaliliuga o le Tusi Paia, ae pau le Tusi Paia e lalata o lo o faaaoga lautele o le King James Version.

FOFOGA FATALAI: Ou te fautuina le sui usufono mamalu, tatou te le o talanoa i se Tusi Paia, o lea tatou te talanoa i le Tulafono Tau Faaofi.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

Afioga FUIMAONO TEO SAMUELU TEO: A o le Tusi Paia lea, o le Tusi Paia a fafine lea na lau mai, o le Womens Bible. Ina ne i te i ua taitaiseseina le Maota i le mau o lo o sau ai, ae mo le taitaiga o mea o fafine e faaaogaina le Tusi Paia lea na lau mai e le Afioga i le Minisita. E fia fai lava lau tala ona o le faauigaina o faafeagaiga foi aemaise o e na mafuli i ai le faatalatalanoaga, aua e ese le faatalatalanoaga a le ofisa, ese foi lau faatalatalanoaga sa fai i lou itumalo. Ou te tulai atu ma le agaga faaaloalo tele, aua mo lo outou silafia, o le ma itumalo ma le sui usufono, o lo o i le pito lea le Teutupe ma le Failautusi o le Ekalesia EFKS, a o le pito lea i le matou itumalo, o lo o i ai le Taitaifono. O lona uiga, o lo o i ai tofiga ia i totonus o le Ekalesia. O lo o totogi a latou lafoga. E leai se isi e auese le lagona i le Tulafono Tau Faaofi lenei, ona e i ai ona vaega e taua. Ou te lagona lava e leai se faifeau e le i oo i le tapulaa lea le alofa ona e fai si utiuti o le tamaoaiga i nuu foi o lo o aafia i totonus o lou itumalo. Aua o le upu moni lava, a oo le alofa o le faifeau i le \$1000 i le lua vaiaso, e lelei lava, ae talosia ua oo i ai. A o lea ou te molimau atu aua o lea ou te auai foi i nisi o sauniga, ae ta te alofa i le susuga i le faifeau aua e le oo i ai le alofa i le vaega lea. O le latou agaga, o le a lava le mea e mafuli i ai le Malo, o lena, ina ia mafai ona lagolagoina atinae tetele a le Malo aemaise o le tamaoaiga. O le isi itu taua, aua a uma nei lo latou taimi e auauna ai, ona avea lea o latou o toeaina malolo e faasee ese ma le tulaga lea. O lona uiga o le a latou nofonofa ma talitali le penisione lea e avatu e le Malo, aua e le faapea foi lele a maea, e leai se tupe e toe tuu atu e le Malo. O lona uiga o lea e toe tafe i ai le isi pito o le vai lea. E aoga tele la le vaega lea e faatupu manatu foi i auauna a le Atua, aua o lenei Ekalesia ua leva ona totogi lafoga, o lo o matou promote ina le mea e tau o le self reliance ina ia ola tutoatasi, ina ia faatino le mea lea e lauga ai le faifeau ina ia galue ia tauia lava le tagata ma lana galuega. O le ala foi lena e alu lava le faifeau ia e galue, a leai lava sana galuega e fai, na te maua o le mea lena e tausi ai lona aiga.

E pei e tulai atu ai ma le agaga faaaloalo, sa ou suesue foi, o le tele ia o mau toeitiiti fia sefulu mau e faamaonia ai o la e lava e toatele le au ao lafoga e oo lava i le Alii Faaola. O le itu sa popole i ai, o le tuitele o le Minisita foi lea e ana le Tulafono ona o le le malamalamama i le tulaga o le faamalamalamaina, ae faafetai ua matua manino lava ma malamalamama le Tulafono lenei.

E pei ona ou fai atu, aua e te popole lau Afioga i le Minisita. Ina ua ou faitau i le mau lea i le atalii e faauma atu ai lau lauga, fai mai na faatonu e le toeaina ona atalii e toalua, alu e galue i le tovine ae fai mai le alii matua, ou te le alu, mulimuli ane na salamo ma alu galue. Ae ina ua faatonuina le atalii laitiiti, ona tali lea o le atalii laitiiti, e leai ou te le alu, o le a ou alu e fai, ae ou te le faia. O lona uiga o le matua sa tali e le alu ae na iu ina alu fai ina ua salamo. A o le laitiiti, sa tali e alu e fai ae le i faia. Ona fesili lea i le Alii Faaola, o ai la o laua e sili? Ae na tali uma lava o le matua. Ae fai mai le Alii Faaola, *ou te fai atu ia te outou, e muamua le aolasoga ma fafine talitane i le Malo o le Atua i lo outou. Aua ae na sau Ioane le papatiso, ae tou te le i talia.*ø

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

O le mea la lea lau Afioga i le Minisita, e tele lou avanoa, e muamua oe ma fafine talitane i le Malo o le Atua. Ia manuia le tatou Fono.

FOFOGA FETALAI: Malo. Ua tatou see mai i le toe saunoaga i le mataupu lenei lau Afioga i le sui usufono mo Palauli le Falefa.

Afioga Hon Tialavea Fea Leniu Tionisio Hunt: Lau Afioga i le Fofoga Fetalai, ona e matuia le lafoga o matou ma fafine talitane e o i le Malo o le Atua, e pei se tagata e faaletou le mafaufau lau Afioga, leaga e le faapena o matou tagata, o matou e matou te toaaga i le lotu, ma e leai foi sau fale talitane o i ai. Ae a faapea o tele i tua i Falealili, ia o la ma ave na mea i luga.

FOFOGA FETALAI: Malo.

Afioga FUIMAONO TEO SAMUELU TEO: O le Mataio e 21 a o lona fuaiupu 31 seia oo i le 32 o lo o faamatalaina ai le tala lea a le Alii Faaola i te i ua atugalu le Minisita faapea o se tala fatu, a o lo o molimau lava le Afioga a le Atua.

FOFOGA FETALAI: Malo. Se i faamau ane Peseta le mea lea po o maua i ina i lau Tusi Paia. Ia, tulai mai le sui usufono mo Palauli le Falefa.

Afioga Hon FAUMUINA TIATIA FAAOLATANE LIUGA: Faafetai lava i lau Afioga i le Fofoga Fetalai mo le avanoa. Faafetai foi i le Afioga i le Palemia ma le mammalu o le Kapaneta, ae tainane le Afioga i le Minisita e ona lenei Tulafono Tau Faaofi. Faafetai le lototeli ma lou lagolago i lou lima taumatau faapea foi lenei itu. O lenei usuga fono e lagolago malosi i le Tulafono Tau Faaofi, ae i ai nai tuualalo, o le tuualalo muamua o lea ou te vaai atu i i, ae ou te vaai atu ua fulisia lenei Maota i le faanatinati o le Tulafono Tau Faaofi e pei ona aumai. A o lea ou te tilotilo atu i effective dates o le Tulafono Tau Faaofi, o lena e i ai le vaega fuaiupu 1, 4, 6 ma le 7(c), o fuaiupu ia e momia le faatinoina i le aso 1 o Iulai o le tausaga nei, a o lona lua ifo i lalo i le 1(d), o lea e i ai effective dates o isi fuaiupu i le aso 1 Ianuari 2018. E foliga e laitiiti le Tulafono Tau Faaofi, a o le taua ia o lenei Tulafono Tau Faaofi, e anoa foi i vaega ia. Ou te le toe tautala i vaega ua uma ona saunoa i ai sui usufono mammalu o lenei Palemene.

O le vaega lea sa saunoa i ai le sui usufono mo Anoamaa Sisifo... Faafetai i lau Afioga i le Fofoga Fetalai. O le faa-Samoa i le 7(c) o lena e sao, ae o le 7(c) faapapalagi, e tatau ona faasao ona o lena e feaveai mea ia i le faapapalagi, ona o le tulaga lea lau Afioga o lena e fesiliglia atu leaga o le tatou faavae o lo o i luga o le tulaga foi lele e faaaoga ai le Gagana Peretania pe a i ai ni mea e le femalamalamaai ai. Ae se i e silasila ifo i ai, o lena e sao lou finagalo, a o le vaega faapapalagi e le o ogatasi ma le vaega faa-Samoa.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

O le isi mea lau Afioga i le Fofoga Fatalai, o le galuega faafaifeau, e ese le vaai i ai a lo matou itumalo. O le matou vaai i ai i tulaga o galuega a faifeau, e lua tagata e faia, o le faifeau ma lona faletua. O ekalesia tetele ia e i ai nei i totonu o le tatou atunuu, e mai loa le faletua o le faifeau faamalolo le faifeau, pe gasegase foi le faifeau malolo ma le galuega. O isi ekalesia a faapea e maliu le faletua e tolu masina e tuu i ai a le maua le faaipoipoga, ua alu ese foi, a faapea ua le mafai ona faaofiiina nei, o lea e i ai le agai i luma i le teuteuga, e tatau ona i ai tagata faigaluega e toalua, aua e leai se faifeau e mafai ona faifeau na o ia. Ou te iloa na o faifeau foi ia e pei o Patele ma isi vaega, ae se i silasila....

FOFOGA FETALAI: Se i tulai mai le Afioga i le Palemia.

Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi: Lau Afioga i le Fofoga Fatalai, e i ai lava le faaeteetega i le mataupu tonu lea e saunoa mai ai le sui usufono, ona e fai loa se faiga faapitoa faapena, ona fai loa lea e tagata uma. E pei lava ona silafia o le toatele lava o tatou, e oo foi i o tatou totogi, o la e nofonofo mai le toalua i le fale e le o faigaluega. O lona uiga e fai loa le mataupu lea, ua leva ona ou faalogo i ai. E fai loa le mataupu lea ona ave foi lea o le avanoa faapenei, aua e le mafai ona nofonofo i latou o totogi lafoga a o la e i ai o latou taitoalua. Ae sili atu la ona matuia pe a i ai o latou taitoalua ma le anoano o mea nuti foi lele tatou te le o iloa.

Ia pei o le fesoasoani atu lena, e le fou le mataupu lea ua oo mai foi ia te au, ia ona ou manatunatu lea i le tulaga lena, i le toatele o tatou lea e le o faigaluega ia le toalua o la e vaai ia le fanau. Ia o lona uiga la, e tagi mai foi ma latou ona matuia leai ai lea ma se aoga atoa o le Tulafono.

FOFOGA FETALAI: Ia, masalo ua maua mai e le sui usufono mamalu na saunoa.

Afioga Hon Faumuina Tiatia Faaolatane Liuga: Faafetai i lau Afioga, e pei o le tulaga lena na ala ai ona ou tuualalo atu ai e te silasila i ai mo le agai i le lumanaui, ona e i ai ia Ekalesia e faaaoga ai ia faletua e aoina le faitautusi o tamaiti laiti, e vaaia ia mea o Pre Schools ia ma le vaega lea o church ministries i Aso Sa latou te fesoasoani ai, ina ia atinae le Ekalesia i le tulaga o le ola faaleagaga. Ae faafetai atu o lea ua faamalamalama mai e le Afioga i le Palemia, ia a o tulaga na.

O le isi vaega lea o le vaega lea e ave ai fafo ia oloa, lea e faapea a faafoi mai lea na saunoa ai ia le tele o ni sui usufono, tasi lea vaega e silasila i ai lau Afioga ma le Afioga i le Minisita o Tupe, o le Exchange Rate Spread. O le vaega lea, o lea e kili ai tatou i i e vaega o faletupe o fefaatauaiga. A lelei la ona fai le negotiations o rates e toe faafoi mai ai ia tatou tupe, o le a lelei foi tupe e maua e lo tatou atunuu. Ae a tuu i le tuusaunoaga lea e faapea e compete ia Trading Banks, ia o i ina foi e utia ai tatou.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

E pei o le tasi lena tuualalo, aua a tele tupe e aumai, ia ae tau faa-narrow le spread lea, leaga o la e tau sefulu ma ona tupu sene le va, o le selling and the buying rate. O le mea lena o lea e tuualalo atu ai i lua Afioga, se i lua silasila i ai, ae fai se tatou, mea foi lena ua amata ai ona tapunipuni ia mo Money Transfers. Ua le faatuatuaina e tama lapopoa la, la e control mai. E aoga foi lea mo le lafoina mai o tupe a o tatou tagata mai Niu Sila ma Ausetalia ma isi atunuu, ia aemaise foi ia le aufaigaluega lea o lo o autovaa atu i tulaga o galuega faavaitaimi. Ae faamalo le lototele lau Afioga i le Minisita, e le faigofie, lea foi na e faafofoga mai, ia o le fetuu lava ia e fetuu e le tau ia oe leaga o oe ua faamanuia i ai le Atua, puipuiga na ia te oe ma lau Minisita Lagolago, ia ma lena itu o le tatou Maota. Faafetai, manuia le tatou Fono.

FOFOGA FETALAI: Ia malo, faafetai lava, malo saunoa. Ia ona o lea ua maea ona fai le faaiuga a le Nofoa, faamalie atu i le sui usufono e pei ona tulai mai mo Faasaleleaga Nu.2, ia ua manatu foi le Nofoa, pei e faale-mamalu foi lea mea o le fesetai o au faaiuga. E manatu o lea e faamalulu atu, e maua lava avanoa mo le lumanai, ia ou te faamalie atu ai i lou uso a sui usufono.

Ae faapea e tapa lau Afioga i le Minisita o Tupe Maua e ana le Tulafono, tulai mai e faapuupuu mai lau saunoaga aua e tele lava ina tagatasi saunoaga a sui usufono mamalu, ae faaiu lava saunoga i le latou lagolagoina o lenei Tulafono.

Afioga Hon TIALAVEA FEA TIONISIO HUNT: Faafetai lava i lau Afioga i le Fofoga Fetalai, faafetai foi i le mamalu o le Maota sa faaalia o latou finagalo i le Tulafono lenei. O se tasi lenei o Tulafono e taua foi mo le tatou atunuu.

Lau Afioga i le Fofoga Fetalai, o le Tulafono lenei na amata mai i le, na faasalalau na matou o i Faauluuluga o Ekalesia. E faafetai i outou manatu faaalia, o matou nei na faafesagai ma Komiti Tumau ma Komiti Toeaiina, Faauluuluga o Ekalesia ma e sa... se e matautia, e le o se faitioga lea tou te faia mai i le Maota nei. Ae o faaiuga na faia mai e Toeaiina matutua ma sui o aulotu, na aumai matou faamanuiga. E tele foi o Ekalesia sa o latou taliaina ma le fiafia ia le sao, o lea e ia te au ia faamaumauga o matou faatalanoaga, tele ia o manatu lelei faaosofia, faalototele na aumai e le tele o faafeagaiga.

O le agaga foi lena e malosi ai ia le matou Matagaluega, ona o le faamalosiau a faafeagaiga lava, o latou o le a aumaia le sao lea mo le atinaeina o le atunuu, atonu o le tali atu lena i lafoga i tupe maua,

O le tupe lea e ave i fafo i le 100% lea e ave i fafo, o lea lava e agai le Matagaluega e fai Regulations mo le faatinoina o le defining o le process lea o le ave e aumai atoa ia le tupe maua i totonu o le atunuu. O lona uiga la na i ai nisi na saunoa mai pe mafai ona fai mai ai faatau.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – felafolafoaiga faaauau i luga o le faitauga faalua**

O le process la lena o lea o le a talanoaina ma tuu i Regulations ina ia vaavaai lelei le Matagaluega i le atoatoa, o fea lava e talafeagai, ona tuu lea i lalo o le Regulation le matupu lea. E lelei lava mea uma e lua, oloa e aumai, tupe faafoi mai, ia 100% le fafoi mai i totonu.

O le saunoaga a le sui usufono mo Falealili i le definitions o le employee, o le definition lea e ave i i e faatatau lava i le Ofisa o Lafoga, lea ua avea ai le faafeagaiga o le employee. O le definition lena o lea e faaaogaina nei e totogi ai le sao lea o faafeagaiga i le Tulafono lava ia a le Ofisa o Lafoga, e le o lavea ai le Tulafono a Leipa i le definition lea, o le ave faapitoa lava mo le Ofisa o Lafoga.

Lau Afioga i le Fofoga Fetalai, atonu o le tele lena o le taua o manatu na faaalia mai, ia o lea o le a faamaumau ma ave e fai ai le galuega a le matou Matagaluega, ae talitonu o lenei Tulafono o lo o i le tulaga faanatinati ina ia mafai ona pasiaina i le aso. O se matou tala atu lea i lau Afioga i le Fofoga Fetalai, ae faafetai i le mamalu o le Maota sa faaalia o latou manatu i le Tulafono a le matou Matagaluega, faafetai.

FOFOGA FETALAI: Malo.

Na faamaonia le lafo ma faitauina le Tulafono Tau Faaofi o Teuteuga o le Tulafono o Lafoga o Tupe Maua 2017 i lona faitauga faalua.

FOFOGA FETALAI: Talu ai ona o lea ua tatou toai taunu i le tatou malologa masani, o le a faataatiaeise Taualumaga a le Fono Aoao Faitulafono mo lana malologa masani, faafetai.

Na faataatiaeise Taualumaga a le Fono Aoao Faitulafono mo lana malologa masani i le itula e 10.52 i le taeao ma toe faaauau i le itula e 11.22 i le taeao.

Na toe faaauau Felafolafoaiga i le iloiloga auiliili o le Tulafono Tau Faaofi o Teuteuga o le Tulafono o Lafoga o Tupe Maua 2017.

FOFOGA FETALAI: Ou te faasilasila atu ua toe amatalia Taualumaga ma galuega a le Fono Aoao Faitulafono.

Ia ua manatu le Nofoa ua faaopoopoina foi le malosi o sui usufono e faaauau ai le tatou galuega. Faafetai foi i le Failautusi ma le Sui Failautusi aemaise o le aufaigaluega galulue a le Fono Aoao ia mo le tautuaina o le Palestene.

Ia ou te tapa lau Afioga i le Taitai o le Malo mo sou finagalo.

27 IUNI 2017

LAFO MO LE FAATAATIAESE O TULAFONO TUMAU 30(2)

Susuga Hon TUILAEPA AUELUA FATIALOFA LUPESOLIAI LOLOFEITELE NEIOTI AIONO GALUMALEMANA Dr. SAILELE MALIELEGAOI: Lau Afioga i le Fofoga Fetalai, ou te tulai atu ma le agaga faaaloalo e faatu le lafo, *Ina ia faataatiaeise ia Tulafono Tumau 30(2) e avanoa ai le fetuunaiga o Aso Fono, ina ia tolopoina i le aso i le itula e 1:00 Taualumaga a le Fono Aoao seia aulia le Aso Lua o le vайасо fou, aso 4 o Iulai 2017 i le itula e 9:00 i le taeao e tatou te toe fono ai.*

Faaluaina e le Minisita mo Faatoaga ma Faigafaiva ma le Minisita o Tupe.

Na faamaonia le lafo ma tulai ai le Tulafono Tumau 30(2) ua faataatiaeise.

TULAFONO TAU FAAOFI O TEUTEUGA O LE TULAFONO O LAFOGA O TUPE MAUA 2017 – iloiloga auiliili

FOFOGA FETALAI: Talu ai ua ou taulimaina le Tusi Faamaonia o le Tulaga Faanatinati ua maea ona sainia e le Taitai o le Maota, o lea o le a sagai atu ai loa le Fono Aoao mo le iloiloga auiliili o le Tulafono Tau Faaofi.

E tusa ai ma le Tulafono Tumau, e amata le iloiloga auiliili o le Tulafono Tau Faaofi i le Fuaiupu 2.

FUAIUPU 2: Ua teuteuina le Fuaiupu 2.

Faamaonia.

FUAIUPU 3: Ua teuteuina le Fuaiupu 61.

Faamaonia.

FUAIUPU 4: Ua teuteuina le Fuaiupu 66.

Faamaonia.

FUAIUPU 5: Ua teuteuina le Fuaiupu 93.

Faamaonia.

27 IUNI 2017

**Tulafono Tau Faaofi o Teuteuga o le Tulafono o Lafoga o Tupe Maua
2017 – iloiloga auiliili**

FUAIUPU 6: Ua teuteuina le Fuaiupu 104A.

Faamaonia.

FUAIUPU 7: Ua teuteuina le Faamatalaga 1.

Faamaonia.

FUAIUPU 8: Ua teuteuina le Faamatalaga 2.

Faamaonia.

FUAIUPU 9: Teuteuga Faatupulaia.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o Lafoga o Tupe Maua 2017

Faamaonia.

Na faagasolo le Tulafono Tau Faaofi o Teuteuga o le Tulafono o Lafoga o Tupe Maua 2017 e aunoa ma se Teuteuga.

FOFOGA FETALAI: Ou te faasilasila atu ua maea ona faagasolo le Tulafono Tau Faaofi o Teuteuga o le Tulafono o Lafoga o Tupe Maua 2017 e aunoa ma se Teuteuga.

27 IUNI 2017

**TULAFONO TAU FAAOFI O TEUTEUGA O LE TULAFONO O
LAFOGA O TUPE MAUA 2017 – faitauga faatolu**

FOFOGA FETALAI: Talu ai ua taulimaina le Tusi Faamaonia o le Tulaga Faanatinati ua maea ona sainia e le Taitai o le Malo, o lea o le a sagai atu ai loa le Fono Aoao mo le faitauga faatolu o le Tulafono Tau Faaofi.

Ou te tapa lau Afioga i le Minisita mo Tupe Maua.

Afioga Hon TIALAVEA FEA TIONISIO HUNT (Minisita mo Tupe Maua): Lau Afioga i le Fofoga Fetalai, ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Lafoga o Tupe Maua 2017 i lona faitauga faatolu.*

Faaluaina e le Minisita mo Aoga, Taaloga ma Aganuu, Minisita o Tupe, Minisita mo Tina ma Tamaitai, Atinae o Nuu, Afioaga ma Agafesootai ma le Minisita mo Faatoaga ma Faigafaiva.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Maota.

**TULAFONO TAU FAAOFI O TEUTEUGA O LE TULAFONO O FU
FAATATAU O LAFOGA O OLOA E GAOSIA I LE ATUNUU 2017
– faitauga faalua**

FOFOGA FETALAI: Talu ai ua taulimaina le Tusi Faamaonia o le Tulaga Faanatinati ua maea ona sainia e le Taitai o le Malo, o lea o le a sagai atu ai loa le Fono Aoao mo le faitauga faalua o le Tulafono Tau Faaofi.

Ou te tapa lau Afioga i le Minisita mo Tupe Maua.

Afioga Hon TIALAVEA FEA LENIU TIONISIO HUNT: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunu 2017 i lona faitauga faalua, ma ou te fia tautala faamalamalama i ai.*

Faaluaina e le Minisita mo Aoga, Taaloga ma Aganuu, Minisita o Tupe, Minisita mo Tina ma Tamaitai, Atinae o Nuu, Afioaga ma Agafesootai ma le Minisita mo Faatoaga ma Faigafaiva.

FOFOGA FETALAI: Tulai maia lau Afioga i le Minisita e te saunoa faamalamalama.

Afioga Hon TIALAVEA FEA LENIU TIONISIO HUNT: Lau Afioga i le Fofoga Fetalai, o le Tulafono Tau Faaofi lea o le Excise Tax mo le tapaa, e le tele sona... ua siitia nei i le 5% i le tausaga lenei, ua uma ona pasia le 15% ae tolu tausaga e auauai ai, e 5% i le tausaga nei, i le tausaga fou ma le tausaga i ona tua atu ona atoa ai lea o le 15%.

27 IUNI 2017

Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunuu 2017 – faitauga faalua

E le tele se suiga, e pei o le sikareti lea sa \$200 mo scar laiti ia tapaa taai, sa \$221.60 i le 1000, talu ai o lea ua \$232.68 i le 1000 tapaa taai. E faapena foi le sikareti e aofia ai le tapaa, tapaa taai sa \$221.60 o lea ua \$232.68 i le 1000 tapaa taai, faapena foi ma isi sikareti. O fili tapaa po o tapaa taai sikareti, sa \$235.94, a o lea ua \$247.74 i le kilokalama. O isi tapaa sa \$235.94 i le kilokalama ua \$247.74 i le kilokalama. E pei na o le pau lena o le suiga lau Afioga i le Tulafono Tau Faaofi lea. Faafetai.

Na faamaonia le lafo ma faitauina le Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunuu 2017 i lona faitauga faalua.

**TULAFONO TAU FAAOFI O TEUTEUGA O LE TULAFONO O FUA FAATATAU O LAFOGA O OLOA E GAOSIA I LE ATUNUU 2017
- iloiloga auliiili**

FOFOGA FETALAI: Talu ai ua ou taulimaina le Tusi Faamaonia o le Tulaga Faanatinati ua uma ona sainia e le Taitai o le Maota, o lea o le a sagai atu loa le Fono Aoao mo le iloiloga auliiili o le Tulafono Tau Faaofi.

E tusa ai o le Tulafono Tumau, e amata le iloiloga auliiili o le Tulafono Tau Faaofi i le Fuaiupu 2.

FUAIUPU 2: Teuteuga i le Faamatalaga.

Faamaonia.

FUAIUPU 3: Teuteuga faatupulaia.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o Fua Faatatau o Lafoga o Oloa e Gaosia i le Atunuu 2017.

Faamaonia.

Na faagasolo le Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunuu 2017 e aunoa ma se Teuteuga.

27 IUNI 2017

**TULAFONO TAU FAAOFI O TEUTEUGA O LE TULAFONO O FUA
FAATATAU O LAFOGA O OLOA E GAOSIA I LE ATUNUU 2017**
– faitauga faatolu

FOFOGA FETALAI: Talu ai ua ou taulimaina le Tusi Faamaonia o le Tulaga Faanatinati ua maea ona sainia e le Taitai o le Maota, o lea o le a sagai atu ai loa le Fono Aoao mo le faitauga faatolu o le Tulafono Tau Faaofi.

Tulai mai lau Afioga i le Minisia mo Tupe Maua.

Afioga Hon TIALAVEA FEA LENIU TIONISIO HUNT: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunu 2017 i lona faitauga faatolu.*

Faaluaina e Minisita mo Aoga, Taaloga ma Aganuu, Minisita o Tupe, Minisita mo Tina ma Tamaitai, Atinae o Nuu, Afioaga ma Agafesootai ma le Minisita mo Faatoaga ma Faigafaiva.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Maota.

TULAFONO TAU FAAOFI O AUUPEGA MALOLOSI 2017
– faitauga faalua

Afioga Hon FIAME NAOMI MATAAFA (Sui Palemia): Lau Afioga i le Fofoga Fetalai ma le mamalu o le Palemene, talu ai ona ua tulai ese atu le Afioga i le Palemia ona o nisi o tuatuagia, o lea ou te tulai atu ai lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Auupega Malolosi 2017 i lona faitauga faalua, ma ou te fia tautala faamalamalama i ai.*

Faaluaina e le Minisita mo Faatoaga ma Faigafaiva ma le Minisita mo Pisinisi, Alamanuia ma Leipa.

FOFOGA FETALAI: Ia ma o le avanoa foi lenei, talu ai ona ua toesea le Afioga i le Palemia, tulai maia lau Afioga i le Sui Palemia e te saunoa faamalamalama e tusa ai o lenei Tulafono Tau Faaofi.

Afioga Hon FIAME NAOMI MATAAFA: Lau Afioga i le Fofoga Fetalai ma le mamalu o le Palemene, talu ai ona o lenei Tulafono Tau Faaofi, o le faatonutonuina faalotoifale ma le faamamaluina o le feagaiga tau fefaatauaiga o auupega lea na saunia e Samoa i le 2013. Ma ua taulai le silasila a lea feagaiga e faatonutonu faaletulafono le felauaiga faaletulafono o auupega malolosi mai lea atunu i lea atunu ina ia aua ne i avea le felauaiga o nei auupega malolosi ma le faamoemoe e faia ai ni solitulafono faava o Malo.

27 IUNI 2017

Tulafono Tau Faaofi o Auupega Malolosi 2017
– faitauga faalua

Ua faamautinoa la i le Tulafono Tau Faaofi e faapea, o lo o faamausaliina pea le puipuiga ma le taofia o fefaatauaiga le faatagaina, aemaise le ave faananaina o auupega malolosi.

Lau Afioga, o le autu o se feagaiga ua sainia e le tatou Malo mai le tulaga masani, e ao lava ona aumai i le tatou Palestene ina ia faapea ona faamaonia ai. Ma le faaaloalo lava.

FOFOGA FETALAI: Malo faafetai. Ma o lenei foi Tulafono Tau Faaofi ua maea ona fai i ai le faamalamalamaga e i latou ma le Matagaluega e faapena ona faapogai i le...

Tulai mai le sui usufono mo Aleipata Itupa i Lalo.

Afioga TAFUA MALUELUE TAFUA (Aleipata Itupa i Lalo): E tasi lava si au fesili lau Afioga i le Sui Palestene i te i ua e le tapena mai ae o le fesili, o le vaega foi lea i a tatou resources po o le vaega tau vaa, tuaia ia le border lea a tatou, po o lava tapena le tatou vaega mo lea tulaga? Ma le faaaloalo lava.

FOFOGA FETALAI: Ia, tulai maia pe i ai se isi fesili ina ia faigofie i le Afioga i le Sui Palestene ona faamalamalama. Se i tulai mai le sui usufono mo Falelatai ma Samatau.

Afioga TAEFU LEMI (Falelatai ma Samatau): Lau Afioga i le Fofoga Fetalai, e i ai lava se agaga e tau fesiliglia lea fuaufaga lelei a le Malo. Na pau le mea ua matou tulai atu ai, o le agaga faafetai. Sa tulai atu lava i le taeao ua sola i le mea auipito sili ona taua le Tulafono e uiga i tatou tupe maua, ae peitai ua le maua se avanoa ua natinati lava foi le faiga o tatou Fono. Ae ua ou tulai atu e faamauina le faafetai tele lau Afioga i le Fofoga Fetalai, o le tele ia o feagaiga faava o Malo lea ua leva ona tatou sainia, o le Tulafono lea o le Arms Trade Treating, e le i leva ona sainia e le assignee a Samoa a o lea ua tatou faatinoa. Peitai e i ai nisi o avatu i ai le lagolago ma le faatauanau i Matagaluega aemaise foi o e fitoitonu ma le faatinoina o nei Tulafono ina ia mafai ona faatinoina mo tatou. E i ai nai isi Tulafono e pei o le Biological Weapon Convention ma isi Tulafono faapena, o lea lava e avatu i ai, tuitui pea le faitotoa ma faatauanau ina ia faapea ona sainia e Samoa. O nisi o nei Tulafono lau Afioga i le Fofoga Fetalai, e le tele sona aafiaga mo Samoa, ae tele lona aafiaga mo isi atunu tetele o le lalolagi, ae ua avea le le saini o le tatou Malo ma excuse po o alofaga foi i Malo tetele na e faatuatuai ai ona saini. A o le mea la lea ua ou tulai atu ai e faaalia le agaga faafetai tele.

Lau Afioga i le Fofoga Fetalai, aemaise foi o le Afioga i le Palestene ua tulai mai ina ia faatino loa lea vaega, o se fuafuaga lelei tele. Faafetai.

FOFOGA FETALAI: Malo faafetai. Se i tulai mai le sui usufono mo Vaisigano Nu.1.

27 IUNI 2017

Tulafono Tau Faaofi o Auupega Malolosi 2017
– fatauga faalua

Tofa LOPAOO NATANIELU MUA: Faafetai lava i lau Afioga mo le avanoa. Na o sina manatu puupuu lava e fai atu i le fuaiupu 7 o le Tulafono Tau Faaofi o Mea Tau e ono aumai i Samoa e faaaoga ai le tatou uafu mo le toe faamoemoe i se isi atunuu. O le agaga o lo o fia fai atu ai, po o i ai ni sauniuniga mo tulaga faapea e teu ai a o faatalitali le taimi e aveese atu ai ma le tatou atunuu meatau i se mea e tuu ai, aua e le mafai ona soona tuusaunoa i luga o le uafu ne i te i ua tupu se faalavelave, pe pa ifo se pomu lau Afioga, a o la e aafia ai le tatou oloa o lo o i luga o le uafu. Ma le faaaloalo.

FOFOGA FETALAI: Malo. O le a tulai atu, toe tasi lava le faauilavea, le sui o lo o fia saunoa, e le o se faauilavea ae o lo o fia saunoa e tusa ai ma le Tulafono Tau Faaofi. Tulai maia le sui usufono mamalu mo Palauli le Falefa.

Afioga Hon FAUMUINA TIATIA FAAOLATANE LIUGA: Faafetai i lau Afioga i le Fofoga Fetalai, faafetai foi i le Afioga i le Sui Palemia, o lea o lo o manino le Tulafono Tau Faaofi ina ia avea ai tatou o se tasi o atunuu e lagolagoina lenei foi faamoemoe. O le mea lea ou te popole ai au ia, o lea e available raw materials i Samoa e mafai ona fai ai mea ia. Aua foi o mea nei o terorisi, latou te faaaaogaina fao, o uea, o kelu, o mea uma faapena e fau ai auupega ia e ono afaina ai. E tau le aumaia la i inei. Afai la e terorisi uma le vaega la e i o, e mafai ona latou faua mea ia. O lea e i inei raw materials e fau ai, e tatau la ona silasila le tatou Malo i le ono mafai e tagata ona fau aupega ia i mea o lo o available i totonusi o Samoa nei. Ma lou faaaloalo lava.

FOFOGA FETALAI: Malo. Tulai maia lau Afioga i le Sui Palemia e te saunoa i nisi o mea.

Afioga Hon FIAME NAOMI MATAAFAA: Lau Afioga i le Fofoga Fetalai, e tali atu i faafesili ma finagalo faaalia foi o sui usufono mamalu o le Palemene. O lo o faamauina le finagalo faaalia o le sui usufono mo Falelatai i le faapea mai e i ai foi isi a tatou feagaiga e ao ona faapea ona sainia foi e le tatou Malo. Ia, ma e moni lava ia, ma i feagaiga faapenei, e faapena lava ona tuuina mai i le tatou Malo ma faapena ona sailili Matagaluega po o vaega i itutino eseese o le Malo e aafia ai ma faapena ona tapena ai se fautuaga mai le Kapaneta mo le sainia e le Malo o ia feagaiga, ae faafetai ua faamauina feagaiga ia sa saunoa mai ai le sui usufono. Ou te lagona e tai aiga lava fesili ia na tuuina mai i le lava saunia o tatou i le aumaia po o le felauaiga o auupega nei i le tatou atunuu. O le mea moni lava o le feagaiga lenei e faasino faapitoa lava i auupega faasolitulafono o lo o feaveai faatulafono. Aua o auupega ia o isi foi oloa e faapena lava ona felauai i tulaga masani, ma o lo o i ai foi a tatou Tulafono o lo o faapea ona aiaia ma puipua ai foi na vaega.

Ae i le itu lava ia i auupega faasolitulafono i le aumai o le fautuaga ma talia e le Kapaneta ona ua faapena ona saunia tatou e mafai ona tatou vaavaia ma mataituina ia ituiga felauaiga.

27 IUNI 2017

Tulafono Tau Faaofi o Auupega Malolosi 2017
– faitauga faalua

O le tulaga lea i a tatou border controls. O le saunoaga a le sui usufono mo Palauli le Falefa i le tulaga lea o le fausia o nei auupega i inei, atonu o isi itu tau le Tulafono ae le o le feagaiga lea e aiaia ai vaega ia e malupuipua ai le gaosia o ia ituaiga oloa i totolu o le tatou atunuu.

Na o le pau lava le tulaga lau Afioga i le Fofoga Fetalai, o auupega foi ia o lo o uia mai Samoa ae faamoemoe mo isi atunuu, o le trans shipment. O mea ia o trans shipment ia, e pei e auala mai i vaa ia e ui mai ona toe faaauau ai lea. Ailogia e faapea e taofia mo se vaitaimi. Ae a taofia foi mo se vaitaimi e tuu i se isi vaa, o lea foi ua lava tapena le tatou border control ina ia faapena ona malupuipua felauaiga o lo o auala mai i le tatou atunuu.

Lau Afioga o le tali atu lea ma le faaaloalo. Faafetai.

FOFOGA FETALAI: Malo faafetai. Ua manino le saunoaga malamalamama a le Afioga i le Sui Palemia.

Na faamaonia le lafo ma faitauina le Tulafono Tau Faaofi o Auupega Malolosi 2017 i lona faitauga faalua.

FOFOGA FETALAI: E tusa ai ma Tulafono Tumau, o le a tuuina atu le Tulafono Tau Faaofi i le Komiti o le Vaega tau le Va Fealoai mo le iloiloina ma toe lipoti mai i le Fono Aoao i le Fonotaga e sosoo ai.

**TULAFONO TAU FAAOFI O TEUTEUGA O LE TULAFONO O
 GALUEGA TAU LEOLEO 2017 – faiatuga faalua**

Afioga Hon FIAME NAOMI MATAAAFA: Lau Afioga i le Fofoga Fetalai ou te tulai atu e faatu le lafo, *Ina ia faitauina le Tulafono Tau Faaofi o Teuteuga o le Tulafono o Galuega tau Leoleo 2017 i lona faiatuga faalua ma ou te fia tautala faamalamalamama i ai.*

Faaluaina e le Minisita mo Pisinisi, Alamanuia ma Leipa, Minisita mo Faatoaga ma Faigafaiva ma le Minisita mo Fesootaiga, Faamatalaga ma Fesootaiga Vavave Faaneionapo.

FOFOGA FETALAI: Ma le faaaloalo lava ou te tapa lau Afioga i le Sui Palemia mo le saunoaga faamalamalamama.

Afioga Hon FIAME NAOMI MATAAAFA: Lau Afioga i le Fofoga Fetalai o lenei Teuteuga o se Teuteuga laitiiti ae o le auga o le teuteu lea o le Fuaiupu 6 o le Tulafono o Galuega Tau Leoleo 2009 o le Tulafono Autu lea, e ala i le faaofina o le Sui Komesina, e avea ma vaega o le faatulagaga o le Faalapotopotoga o Galuega tau Leoleo a Samoa.

27 IUNI 2017

**Tulafono Tau Faaofi o Teuteuga o le Tulafono o Galuega Tau Leoleo
2017 – faitauga faalua**

O le a teuteuina foi e le Tulafono Tau Faaofi le Vaega 3 o le Tulafono Autu e faaofina ai se vaega 4 fou e faatonuina ai faaletulafono le tofiaina o manaoga tau le agavaa, tuutuuga ma aiaiga, e faapea foi i tiute tauave ma malosiaga o le Sui Komesina. Atonu lava a faapuuuu lea faamatalaga, ua fai sina umi e le o toe i ai le tulaga lea po o le tofi o le Sui Komesina, a o le suiga lea o le a toe faafoi mai ai le tofiga lea mo a tatou leoleo. Ma le faaaloalo lau Afioga.

FOFOGA FETALAI: Malo faafetai. A leai se sui usufono e fia saunoa, o le a tuuina atu le fesili. Se i tulai mai le Afioga i le Sui Fofoga Fetalai.

Tofa NAFOITOA TALAIMANU KETI (Gagaemauga Nu.3): E faatalofa atu i le paia maualuga o le Maota, taeao totoa, taeao tapisa, o lea foi ua maea ona e lag i le viiga o le Atua aua Lona agalelei i lenei taeao.

Ae ua ou tulai atu ma le agaga faaaloalo ou te fia momoli le faafetai tele i le Tulafono Tau Faaofi e pei ona taoto nei i le Maota. O le tofi Sui Komesina po o le Deputy Commissioner, o se tofiga sa i ai muamua i le Matagaluega, ae peitai o le tulai mai o nisi o faafitauli i totonu lava o le Matagaluega lea e fia momoli ai le agaga faafetai. Aisea? O tulaga e aafia ai galuega a le Malo e aofia ai ma le Matagaluega o Leoleo, a i ai se aafiaga o Pule Sili po o Komesina, ona i ai lea o le fuafuaga foi lea e auai i ai Assistant Commissioner po o Komesina Lagolago a le Matagaluega o Leoleo. E tele lava tulaga e ono tutupu mai ai i le galulue faatasi, peitai lau Afioga i le Fofoga Fetalai, o le toe faatulai mai o lenei tofiga fou, ou te manatu o lea ua taoto lelei le agaga maualuga o le Matagaluega i le latou matafaioi tauave o le tausia lea o le filemu lautele o le atunu po o le national security.

O le oo mai o lenei Tulafono Tau Faaofi lau Afioga, ua lagona ai e lou sui usufono e tulai atu ai ma le agaga faaaloalo e lagolagoina le faatinoina o lenei faamoemoe ina ia taoto lelei ai le structure po o tulaga o tiute fai ma matafaioi i totonu o le Matagaluega. O lo o i ai foi se saunoaga sa sauia i le va a le Afioga i le Taitai o lo o i ai nei, e faapea se faamatalaga, a oo ina faatulai mai le tofi fou lenei ma insert i totonu o le Tulafono, e fua ai le ata faatatau po o le structure o le a i ai se faamoemoe o le a aveesea ai Komesina Lagolago o lo o i ai i le taimi nei. A o le agaga maualuga o lou tulai atu lau Afioga i le Fofoga Fetalai ma le mamalu o le Palemene, ou te matua le lagolagoina lea faamoemoe. O le agaga maualuga o lou sui usufono ina ia faatumauina pea avanoa po o Assistant Commissioner i le agaga e tele le galuega e faatino e le Komesina o Leoleo, e tele le faamoemoe e le gata i le faamamaluina o tulaga o le Malo, a o le va i fafo ae faapea foi le lotoifale.

O le mea lea ua ou tulai atu ai ma le agaga faaaloalo, e ui lava ina e le o tele sona suiga o lea na o le toe faafoi mai lava o le Deputy Commissioner po o le Sui Komesina ina ia faaaauai ai le tiute pei ona i ai i aso ia, a o lo o tau aafia ai foi ma Komesina Lagolago, Assistant Commissioner. O lea ou te fia faaleo ai le mea lea, ina ne i meaane, o lo o i ai le faamatalaga a faatino le faamoemoe lea, ona i ai lea o se fuafuaga e redundancy le mamalu o tamalii o lo o galulue i le taimi lenei i le level lea o le Assistant Commissioner.

27 IUNI 2017

**Tulafono Tau Faaofi o Teuteuga o le Tulafono o Galuega Tau Leoleo
2017 – faitauga faalua**

E pei o le agaga lea o lo o taumafai atu ai nei ina ia faatumau pea le tulaga lea o le Assistant Commissioner, faaopoopo i ai ma le tofiga fou lea, atonu e le toe i ai se taimi i isi vaega e ono tulai mai. Ma le faaaloalo.

FOFOGA FETALAI: Malie le sui usufono se i tulai mai le Sui Palemia.

Afioga Hon FIAME NAOMI MATAAFA: Lau Afioga i le Fofoga Fetalai o se mea e fia faasao. O le tatou Tulafono Tau Faaofi o le Tulafono o lo o faaofi mai ai le tofiga o le Sui Komesina, e le o talanoaina i le Tulafono Tau Faaofi lea se teuteuga mo Komesina Lagolago. O lea la lau Afioga, e fautua atu i le sui usufono mamalu, ou te iloa lava le naunau o lou finagalo i si au Matagaluega, ae sulu lau pelu, a i ai se suiga e aumai o le taimi tonu lava lena e te saunoa mai ai loa. Ma le faaaloalo lava.

FOFOGA FETALAI: Malo. Ou te lagona o lea ua manino le saunoaga a le Afioga i le Sui Palemia i le Afioga i le sui usufono mamalu. Malo faafetai. Ia, tulai mai le sui usufono mo Faasaleleaga Nu.2.

Afioga PAU SEFO TAUMATA PAU (Faasaleleaga Nu.2): Faafetai mo le avanoa ua tuuina mai se i momoli atu ai foi se manatu o lenei ui usufono e uiga i le Tulafono Tau Faaofi. O lea ua aumai e le Afioga i le Tamaitai Sui Palemia le mau lea o lo o talanoaina le Tulafono agai i le Deputy Commissioner. E taua tele le Tulafono Tau Faaofi lau Afioga i le Fofoga Fetalai, ona o lea o le a siisii i luga i le maualuga o le Matagaluega lea o Leoleo, e ao ona faatino le tofiga lea pei ona aumai ai nei o le Sui Komesina. Ou te manatu foi e a pe a aumai se fuafuaga lea ina ia faatulaga mai pe lua ni Sui Komesina i le vaega lea mo Salafai. Ou te talanoa atu leaga afai e tofia le Komesina ma le Sui Komesina, o Tumua lava i inei i Apia nei o lo o i ai tofiga ia e lua, ae tatou tilotilo i le motu i Salafai. A faapea mai e tasi le Sui Komesina o le a le mea... e faaagaaga i Salafai, ou te auai atu i le mea lea, ona afai e motusia fesootaiga i telefoni ma tulaga faaletonu na, e pei lava... A o le fesootaiga lava ia ina ia avatu le power malosi o la e i ai le Sui Komesina i Salafai. A o le fautuaga, se i silasila totoa le Matagaluega, e o lo o faia lenei Tulafono Tau Faaofi pe le tatau ona lua ni Sui Komesina ona sau loa i lalo i le vaega lea o le superintend. A o le tulaga lea na aumai faapitoa lava e le Sui Palemia, ona talanoaina pe tatau pe alagatatau ona faatino le tofiga lea o le Sui Komesina. A o le lagolago ia i lenei Tulafono Tau Faaofi i le Sui Komesina, Deputy Commisioner.

Lua, pe le tatau ona faalua, tasi i inei, tasi Salafai. Ia o fautuaga ia lau Afioga i le Fofoga Fetalai.

FOFOGA FETALAI: Malo faafetai. Ia masalo na o le pau lea o sui usufono e fia saunoa i le mataupu lenei.

27 IUNI 2017

**Tulafono Tau Faaofi o Teuteuga o le Tulafono o Galuega Tau Leoleo
2017 – faitauga faalua**

Afioga Sulamanaia Fetaiai Tauiliili Tuivasa: Lau Afioga i le Fofoga Fetala'i pe maua se avanoa i lenei Tulafono Tau Faaofi.

FOFOGA FETALAI: Ia, se i tulai mai le sui usufono mo Vaimauga Sasae.

Afioga SULAMANAIA FETAIAI TAUILIILI TUIVASA: E muamua ona momoli le agaga faafetai i le Afioga i le Sui Palemia ona o le vave tapena foi o le tulaga e tali mai i le Matagaluega o lo o i lalo o le Afioga o le Palemia o le tatou atunuu. Faafetai i le tapena o lau Afioga i le Sui Palemia, a o le tulaga e lagolagoina e lenei sui usufono le tofiaina o se Sui Komesina o le Matagaluega o Leoleo. O le Matagaluega lenei o Leoleo o lo o tua i ai le tatou atunuu, sa aveese foi lea o le Sui Komesina ona o faiga faavae sa i ai, fai tulaga tofi o le PSC ae aveese ai ma le Sui Komesina o Leoleo ona o tulaga e i ai, o lea foi la ua toe tuu i totonus. E lagolagoina e lou sui usufono.

A o le vaega lea e 19 lau Afioga i le Sui Palemia, o lea e i ai le faaupuga faapea, o se agavaa po o se avea ma se leoleo, o lea e i ai le Fuaiupu 19A, sa avea pe o lo o avea ma sui o Samoa leoleo i fafo, le o lo o talosaga i le tulaga lea o le Sui Komesina o Leoleo. O i lea e popole i ai le sui usufono, ona o lea ua tatala atu le avanoa i fafo, ae manaia lava, o le uiga lena o se faamatalaga, a tatala le avanoa i fafo, o lona uiga, e mafai ona apalai mai leoleo i fafo. Ae manaia pe a tatala i fafo ae o oe o le leoleo Samoa. O le popolega lava pe a sau se tulaga lea i papalagi, sau Sui Komesina i inei pe faoa se... Na pau lava lena o le manumanuga o lenei sui usufono, teuteu le vaega lena 19. Ae lagolagoina le vaega lea ua saunoa i ai le Afioga i le... E sao foi sa aumai i totonus o le structure a le Komesina fai mai e pasia loa le Tulafono Tau Faaofi lea, sui loa ma lana structure. A o le tulaga lena e avatu ai o matou manatu, e lagolagoina le i ai o Komesina Lagolago ia e tua i ai le tatou atunuu. Ma lou faaaloalo lava.

FOFOGA FETALAI: Malo faafetai. Masalo toe pau lea o le sui usufono. Tulai mai le sui usufono mo Vaisigano Nu.1.

Tofa LOPAOO NATANIELU MUA: E faamalulu atu foi i lau Afioga i le Sui Palemia, leaga o le mataupu lenei ua uma ona faamalamalamaina mai e le Komesina sa faamalamalamaina le mataupu i se taimi, ae i ai le atugaluga o matou i Savaii, ona e tasi le Komesina Fesoasoani, a o i inei i Apia e i ai.

A o le matou manatu, o matou nei e omai mai Salafai, a faapefea pe a oo i ni taimi e tutupu ai ni faalavelave faafuasei? O lea e mafai ona fesootai atu le Matagaluega i Savaii, ae ua tatau ona umia e le o lo o taitai i Savaii le malosiaga e mafai ai ona faatino e le matou motu o i ina e i ai le atugaluga lau Afioga e pei ona faaali atu e le Afioga ia Pau se manatu o le matou motu. O le ala lena e ala ai ona matou lagolagoina lau Afioga, toe silasila lava i le Tulafono pe tatau lava ona i ai se Komesina Fesoasoani e tusa ai ma le Tulafono Tau Faaofi lenei mo le matou motu i Salafai.

27 IUNI 2017

**Tulafono Tau Faaofi o Teuteuga o le Tulafono o Galuega Tau Leoleo
2017 – faitauga faalua**

Lona lua o le agavaa o i latou e talosaga, e pei e fai sina lautele o le upu overseas, po o mai fafo, ae silasila lau Afioga, e i ai isi atunu o le lalolagi e le tatau ona... E moni e le ono tupu, ae mo le puipuia o tatou Tulafono, e i ai isi atunu o le faatagaina, e i le black list a Malo Aufaasi. E faapena foi le Faletupe o le Lalolagi. Pe le tatau ona toe suia le faaupuga lea ne i meaane ua tatou toe taumafai atu i se taimi mulimuli ane, ae sao ai le upu a le isi tamaloa o le matou nuu, ua too late the boat. Ia, ma le faaaloalo lava e avatu ai ni motugaafa a le matou itumalo i le Tulafono Tau Faaofi lenei.

FOFOGA FETALAI: Malo faafetai. Ia ona o lea ua tulai mai foi le sui usufono mo le Nuu Tu Taulaga i Sisifo. Malie le sui usufono mo Anoamaa Sasae o le a tuu atu lou avanoa mulimuli. Se i tulai mai le sui usufono mo le Itumalo Tu Taulaga i Sisifo.

Afioga Faumuina Asi Pauli Wayne Fong: Faafetai lava mo le avanoa, ia i le tulaga i le taimi sa faamalamalamaina ai le Tulafono lenei, sa lagolago lava i ai le sui usufono. Ae peitai, e tasi lava le vaega o le Tulafono lea, a pasia loa le Tulafono, e oo loa i le taimi e uma ai ia le konekarate po o le galuega a le Sui Komesina o lo o i ai nei, e le mafai ona toe faafouina. O lona uiga, ua uma lona avanoa e avea ai o ia ma Sui Komesina sa i ai. O le popolega o le sui lenei, ona o Sui Komesina ia e i ai, e le i taitai ona oo i le tulaga e tatau ai ona litaea. O i latou foi nei sa fai ma Sui Komesina e laiti. A lea la o le a uma le konekarate, pe a oo i le taimi e sui ai le Tulafono.

Afioga Hon FIAME NAOMI MATAAFA: Lau Afioga i le Fofoga Fetalai....

FOFOGA FETALAI: Masalo ua maua atu e le Afioga i le Minisita le sui usufono mamalu e o lo o saunoa, se i tuu atu le avanoa, se i saunoa le Afioga i le Sui Palemia.

Afioga Hon FIAME NAOMI MATAAFA: O lea e saunoa mai ia le sui usufono i le Sui Komesina ae pei o lea e talanoa mai i le Komesina Lagolago, se i faamanino mai, aua e le o i ai se Sui Komesina i le taimi lenei.

Afioga Faumuina Asi Pauli Wayne Fong: Faafetai i lau Afioga i le Sui Palemia, e sao o Komesina Lagolago lea sa i ai, o le popolega lea sa i ai, pe leai se isi avanoa, e ave i ai ia le Komesina Lagolago lea, i le taimi e pasia ai le Tulafono, a oo foi i le taimi e uma ai lana galuega po o lana konekarate, pe mafai ona faasee ane i se isi tulaga o le Matagaluega, o lo o aoga i ai, ua leva foi ona auauna ia auauna a le atunu i le Ofisa o Leoleo. Ia e pei o se agaga lea sa taumafai atu ai ae aua nei faaumaina ia le latou auaunaga, ma le faaaloalo lava.

27 IUNI 2017

**Tulafono Tau Faaofi o Teuteuga o le Tulafono o Galuega Tau Leoleo
2017 – faitauga faalua**

FOFOGA FETALAI: Malo, faafetai, ia se i tulai mai le sui usufono mo Anoamaa Sasae.

Afioga ALAIASA MUAGUTUTIA MOEFAAUO MALAGAITUTOGIAI SEPULONA MOAMANU: Faafetai mo le avanoa i lau Afioga, e le umi foi so matou manatu i lenei Tulafono taua. E taua le Tulafono ona o le mataituna lava lea o le Matagaluega sa tupu ai foi vevesiga, ia ae a faapea o le tasi lenei o auala e foia ai, ia e matua lagolagoina lava ma le atoatoa e lenei itumalo le suiga lea ua aumai.

E i ai foi isi taimi a toatele ia le taupulega, ua faaletonu. E i ai foi isi taimi a toaitiiti ae aanoa se faamoemoe, ia e faapena ona lelei, ona ou manatu lea, tatou o ia e fai ai le finagalo o le Tulafono lea ua aumai e faapena ona faafaigaluega se Sui Komesina, e lagolagosua i le afioga i le Komesina.

Ia ae pei e avea ai lenei avanoa, ao faafogaga mai foi ia le Minisita ma le Komesina, o le fia talosagaina ia sina Pou mo le matou Itumalo. Ioe, a e agai atu nei i Apia, faatoa e maua lava i Lalomanu le isi vaega. Ae agai i Sisifo, o lea ua i ai i Afega ia ma o i le malaevaalele. Ia na ona matou faaaaoga atu ai lenei avanoa, e talosaga atu ai, ia sei avatu ai foi i o i si o matou itu, ia seia puipuia foi si o tatou atunu. Ia faamanuia le Atua i lenei tagata o le a tofia, aua o le isi lea mea, e leaga tagata e piki i isi taimi, ae lelei avanoa, ae piki mai lena tagata, sau lena tagata fai lona finagalo, ae le fai le mea lea ua faatu atu i le Tulafono. Ia ae talosia, ia tulai mai se toa, ia e lagolagosua i le Matagaluega. Ia manuia le fono i lau Afioga.

FOFOGA FETALAI: Malo, faafetai. Ia tulai maia lau Afioga i le Sui Palemia.

Afioga Hon FIAME NAOMI MATAAFAA: Lau Afioga i le Fofoga Fetalai, ia manaia foi ia le Tulafono ia ua avanoa ai le talosaga a le itumalo o Anoamaa mo le Pou. Ia o le mea lava lea e lelei ai tatou e saili lava ia le avanoa a sui usufono e faapena ona tuu mai ai ia nisi o manaoga ma finagalo foi ua faaalia. Ae faafetai mo le lagolagoina o le tatou Tulafono.

O le a ou tali muamua atu mo le Sui Komesina mo Savaii, ia paga lea, o la ua afio atu le Afioga i le Palemia o le Minisita, ana ou Minisita, ua ou tali atu nei lava ua lelei, ae tatia maia lou finagalo, lau Afioga i le sui usufono ma isi foi Afioga i sui usufono o Salafai ua faapena ona talosaga mai. Ae pei o le mea taua lava, o le toe faaofi mai lea o le isi tofiga lea o le Sui Komesina. Ia pe tasi pe lua, atonu lava e gafatia e le Tulafono, ae o le mea taua, ua faapena ona mafai ona toe faaofi mai o lea tofiga i totolu o le faasologa o tofiga mo leoleo.

O le mataupu lea o e agavaa, aemaisse i latou e talosaga mai i fafo, ia ou te manatu o le Tulafono lava ia e maua avanoa, ae silafia foi e lau Afioga ma le mamalu o le Palemene, ia e i ai lava ia le faagasologa o galuega e nafa ma le filifiliga o e tulai mai i le tofi i lea taimi ma lea taimi.

27 IUNI 2017

**Tulafono Tau Faaofi o Teuteuga o le Tulafono o Galuega Tau Leoleo
2017 – faitauga faalua**

Ma e atonu o atugaluga ia na saunoa mai ai, foi lea o papalagi, po o omai i atunuu foi lea tauleagaina faaletulafono, ia o mea na e mafai lava ona tatou aiaia i le faagasologa o le filifiliga o ia tofiga. Ia aua le popole o lo o i ai ia Mose e faafoea lelei ia tatou galuega ia.

O le atugaluga lea ua toe faaleo mai, e uiga i Komesina Lagolago, ia e pei foi ona tali atu i le sui usufono muamua, e le o i ai lena tulaga i le tatou Tulafono lenei. Ia e taua foi ia finagalo ua faaalia mai, ia atonu o lea foi ua faamauina o lo o i ai sui o le Matagaluega, ia ma faapea foi ona faaoo atu ia outou finagalo i le Afioga i le Palemia, o lo o feagai ia ma le Matagaluega, e tusa ai ma fautuaga ua taatia mai.

Ia lau Afioga i le Fofoga Fetalai, o le tali atu lea ma le faaaloalo.

FOFOGA FETALAI: Ia malo faafetai.

Na faamaonia le lafo ma faitauina le Tulafono Tau Faaofi o Teuteuga o le Tulafono o Galuega tau Leoleo 2017 i lona faitauga faalua.

FOFOGA FETALAI: E tusa ai ma Tulafono Tumau, o le a tuuina atu le Tulafono Tau Faaofi i le Komiti o le Vaega tau le Va Fealoai mo le iloiloina ma toe lipoti mai i le Fono Aoao i le Fonotaga e sosoo ai.

**TULAFONO TAU FAAOFI O LE FAAMAUINA O TAGATA
SOLITULAFONO I FAIGA AIGA MATAGA 2017 – faitauga faalua**

Afioga Hon FIAME NAOMI MATAAFA: Lau Afioga i le Fofoga Fetalai, ou te faatu le lafo, *Ina ia faitauina nei le Tulafono Tau Faaofi o le Faamauina o Tagata Solitulafono i Faiga Aiga Mataga 2017 i lona faitauga faalua, ma ou te fia tautala faamalamalama i ai.*

Faaluaina e le Minisita mo Pisinisi Alamanuia ma Leipa, Minisita mo le Soifua Maloloina ma le Minisita mo Fesootaiga, Faamatalaga ma Fesootaiga Vavave Faaneionapo.

FOFOGA FETALAI: Ia ou te tapa ma le faaaloalo lau Afioga i le Sui Palemia.

Afioga Hon FIAME NAOMI MATAAFA: Lau Afioga atonu o lenei Tulafono ua silafia foi e le Maota e ala lea i fonotaga foi ia faamalamalama o lo o autovaa mai ai ia sui o Matagaluega. Ae peitai mo le faamauina i a tatou Faamaumauga i le Palestine, e ao lava ona fai se faamatalaga puupuu e uiga i lenei Tulafono.

27 IUNI 2017

**Tulafono Tau Faaofi o le Faamauina o Tagata Solitulafono i Faiga Aiga
Mataga 2017 – faitauga faalua**

O le sini ma le autu o lenei Tulafono, ua taumafai ai le Tulafono Tau Faaofi e tapa tagata solitulafono e faia solitulafono tau faiga aiga mataga, ina ia logoina leoleo o nofoaga o latou o i ai, aua le saogalemu o tagata lautele ma le taofia o latou i le toe faia o solitulafono.

Ia lau Afioga, atonu ua manino lava ia le faamoemoe o le tatou Tulafono ia ma e le o se Tulafono tele naua, ma le faaaloalo lava.

FOFOGA FETALAI: Malo faafetai.

Na faamaonia le lafo ma faitauina le Tulafono Tau Faaofi o le Faamauina o Tagata Solitulafono i Faiga Aiga Mataga 2017 i lona faitauga faalua.

FOFOGA FETALAI: E tusa ai ma Tulafono Tumau, o le a tuuina atu le Tulafono Tau Faaofi i le Komiti o le Vaega tau le Va Fealoai mo le iloiloina ma toe lipoti mai i le Fono Aoao i le fonotaga e sosoo ai.

**TULAFONO TAU FAAOFI O LE PUEINA O ATA TIFAGA (FAIGA
FAATOSINA FAAPISINISI O LAFOGA) 2017 – faitauga faalua**

Afioga Hon TIALAVEA FEA LENIU TIONISIO HUNT: Lau Afioga i le Fofoga Fetalai, ou te faatu le lafo, *Ina ia faitauina nei le Tulafono Tau Faaofi o le Pueina o Ata Tifaga (Faiga Faatosina Faapisinisi o Lafoga) 2017, i lona faitauga faalua, ma ou te fia tautala faamalamalama i ai.*

Faaluaina e le Minisita mo Aoga, Taaloga ma Aganuu, Minisita mo Tina ma Tamaitai, Atinae o Nuu, Afioaga ma Agafesootai ma le Minisita mo Faatoaga ma Faigafaiva.

FOFOGA FETALAI: Tapa ma le faaaloalo lau Afioga i le Minisita mo lau saunoaga faamalamalama.

Afioga Hon TIALAVEA FEA LENIU TIONISIO HUNT: Faafetai i lau Afioga i le Fofoga Fetalai, o le Tulafono lenei o se Tulafono fou o lo o tau faatuina. E le o po se lilo i le Maota i le taimi lenei o lo o pue ai le ata foi lea o le SURVIVOR. O le lona tolu ai lea o ata ua pue i totonu o le tatou atunuu. O le Survivor lea talu ai nei a Ausetalia sa faapitoa le faiga o le Tulafono, ina ia mafai ona pueina i totonu o le tatou atunuu, ma avatu ai faatosina ina ia mafai ai ona o mai i totonu e pueina le ata lea i lo tatou atunuu.

O lea la ua faatulafono nei ua fai se Tulafono ina ia mafai ai ona tasi le faiga e fai uma ai e o lo o fia o mai e pue ata tifaga i totonu o le atunuu, ona ua faatupulaia le manaomia o faiga faapenei e pue ai ata tifaga. O le auga lava ia o le Tulafono o le faamalosia o le faiga o Incentives e ave. O le ata lea talu ai, sa ave i ai le Incentive e 30% o tupe sa faaalu e le kamupani lea i totonu o le tatou atunuu, e faafoi le 30%.

27 IUNI 2017

**Tulafono Tau Faaofi o le Pueina o Ata Tifaga (Faiga Faatosina
Faapisinisi o Lafoga) 2017 – faitauga faalua**

O le faatosina a Fiti lea e fai i kamupani faapea e avatu i Fiti e 45% o tupe o a latou expenses po o a latou tupe e faaalu i totolu o le atunu, e toe faafoi, e rebate. A o tatou la e 30%, ou te iloaina o le galuega lea o lo o gafa ai foi ia le Ofisa o Turisi e faatosina mai o tagata nei faitifaga, e tapue ata faapenei i totolu o le tatou atunu.

O lea o le a uma le Survivor 2 a Ausetalia na pue, ma e o le tele foi o tuutuuga lea e i totolu i i, i tagata faigaluega mai fafo e ave foi i ai le exempts mai ia latou pemita ma mea na, vagana ai le vaega lea e faigaluega lava i totolu o le atunu, e faafaigaluega e le vaega lea, e totogi a latou lafoga.

O le auga ia o le faatosina lenei, e aoga i pisinisi, faletalimalo, o rentals, o faleaiga, o tagata faigaluega, e maua ai galuega e pei ona outou faafofoga mai, e 30% o latou tupe faaalu i totolu o Samoa e toe faafoi. I le matou lava la tulaga faa-aolafoga e matou te naunau foi i le tupe maua ia a ua matou vaavaai foi i le aotelega o le fesoasoani a le kamupani lenei i le mamalu o le atunu.

E le o po se lilo i tua i le mea o pue ai le ata lea e faatau ai le niu, o a uma ni mea o faatau ifo ai e le mamalu o le atunu, aemaise lava pisinisi nei o lo o latou faaaoga e le kamupani lenei. O lea foi e i ai le aiaiga i i mo mea ia ua le mafai ona asa ia le faaulufale mai i Incentives ia o masini ma equipments ia e faaaoga i totolu o le atunu, o lo o record uma e le matou Matagaluega i tai i le Tiute ia masini uma ia e aumai e faaaoga. A uma la ona pue le ata, ona matou toe siakia lea, ia po o atoatoa uma masini ia e toe faafoi. A faapea e sue atu ua i ai ni masini ua faamealofo pe faatau iinei, ia ona totogi lea o le tiute e aveese mai i le rebate lea e faaaoga. O le agaga lena o le Tulafono Tau Faaofi ina ia faatulafono, so o se kamupani lava e pueata i inei, ua i ai le Tulafono e... A o le rebate lea e talaloa, e le faapea e tamau le rebate lea e 30%, e i le Minisita e ona le Tulafono e ave le fautuaga i le Kabeneta se aofagai o le rebate mai lea taimi i lea taimi e ave i le kamupani, ae le tamauna le rebate lea e eseese vaitau ma tupe faatosina. E pei o le faamalamalamaga lena lau Afioga o le Tulafono Tau Faaofi.

FOFOGA FETALAI: Malo faafetai. Se i tulai mai le sui usufono mo Aleipata Itupa i Lalo.

Afioga TAFUA MALUELUE TAFUA: Faafetai lava i lau Afioga i le Fofoga Fetalai, faafetai foi i le Afioga i le Minisita e ou le Tulafono Tau Faaofi. Manaia le agaga o le Tulafono Tau Faaofi, o le taumafai ia laugatusa uma tagata pue tifaga e malaga mai i Samoa. O le aoga muamua lea.

Lona lua, e sao lelei lava le saunoaga i inei. E pei o lau tamai fesili lea e fia tuuina atu i lau Afioga, ia se tou financial analysis muamua, o lea e i inei le lua, a o le Survivor muamua, o le a se tele o le latou tupe na faaalu i inei, ae toe faafoi e fuafua i ai le tatou Tulafono lea po o lelei nei mea tatou te faia. Faafetai lava.

27 IUNI 2017

**Tulafono Tau Faaofi o le Pueina o Ata Tifaga (Faiga Faatosina
Faapisinisi o Lafoga) 2017 – faitauga faalua**

FOFOGA FETALAI: Mo le faasaoina o le taimi o le Minisita, se i tulai mai le sui usufono mo Falealili Sisifo.

Tofa AUMUA ISAIA LAMEKO: Faafetai mo le avanoa i lenei itula o le aso. Lau Afioga i le Fofoga Fetalai, o lenei Tulafono Tau Faaofi e tele lona taua mo le tatou atunu, talu ona tapunia le Yazaki, tasi lenei avanoa e maua ai avanoa a tagata, mo faatosina i kamupani fai ata tifaga e omai i inei i Samoa e pue ai latou ata. Ua faapena foi ona maua ai afioaga o lo o pueina nei ata. E le gata i lea, e faatupulaia ai le tamaoaiga o le tatou atunu, e ala atu lea i pisinisi tumaoti.

O le 30% o rebate rebate a fua i ai i lau sailiiliga na fai, o se atunu i Europa Sasae, Astonia, e 30% le cash rebate i Aialani, e 32% le cash rebate A tuu foi i Asia ia Singapore, e 50% le cash repaid. O lona uiga, e pei lava ona saunoa le Afioga i le Minisita ia Fiti, ua leva ona tatau ona fai le Tulafono Tau Faaofi lenei ina ia faatosina mai ai kamupani e manuia ai le tamaoaiga o le tatou atunu, ae le gata i lea o galuega. E ui lava e leai se tuge a le Malo o maua ai, a o le fesoasoani lea a le Malo i tatou pisinisi tumaoti. Ma e lagolagoina e lou itumalo le Tulafono Tau Faaofi. Faafetai.

FOFOGA FETALAI: Malo. Se i seesee mai ia Safata Sisifo.

Afioga LEAANA RONNIE POSINI (Safata i Sisifo): Faafetai tele i lau Afioga i le Fofoga Fetalai. E muamua ona ou faafetai i le Minisita e ana le Tulafono Tau Faaofi. Ou te talitonu o le Tulafono lenei lau Afioga i lau maitau o le matou nuu lea o Saanapu sa pue uma ai lava le ata tifaga lea e oo mai nei i le taeao o lea e faatino le ata tifaga lea. E momoli ai le agaga faafetai ona o lau maitau o le toatele o tagata o le matou nuu ua maua ai galuega, o lea e momoli atu ai le agaga faafetai tele i lau Afioga i le Minisita.

Na pau le mea se i silasila ifo lau Afioga i le tulaga foi lea o le pueina o ata, e pei e tau atagia ai e iloa ai o Samoa lea e pue ai le ata, aua o le faalauiloaina o le tatou atunu, aua tasi lea auala e faalauiloa ai le tatou atunu. Ma le isi itu lau Afioga, se i silasila ifo pe tutusa uma ata ia e auai e tapue i inei. Faafetai lava i ata ia le Survivor a Ausetalia ma Amerika, ne i te i ua aumai ai ma nisi ata e le talafeagai ma le tatou aganuu ae se i silasila ifo i ai lau Afioga i le Minisita. Ma lou faaaloalo lava.

FOFOGA FETALAI: Ia, sosoo mai ma le sui usufono mo Itumalo Tu Taulaga i Sisifo.

Afioga FAUMUINA ASI PAULI WAYNE FONG: Faafetai lava i lau Afioga. Leai e vave lava si mataupu lea. Faafetai lava, e lagolagoina le Tulafono Tau Faaofi a le Afioga i le Minisita. Na pau lava si popolega, o le taimi e masesei ai ma kamupani nei, ona oo loa lea i le faiga o le rebate e i ai le taimi e toe faafoi ai.

27 IUNI 2017

**Tulafono Tau Faaofi o le Pueina o Ata Tifaga (Faiga Faatosina
Faapisinisi o Lafoga) 2017 – faitauga faalua**

O le mea lea e talosaga atu i le Afioga i le Minisita, e i ai taimi e uma ai fuafuaga ia, a oo i le taimi e toe faafoi ai le rebate, faafoi lelei le rebate a le kamupani ia aua foi nei i ai se taimi e afaina ai tatou. E le lelei i le taimi nei o lea tatou te fiafia i ai o lea e aumai le ata, a o le taimi e tatau ai foi ona faatino le ata ua i ai ni tulaga le lelei ona maua ai lea o le tulaga lea. O le a le talanoa atu i tulaga ua tuanai, ae a faapea lava o le rebate lea a le kamupani, a oo i le taimi e fai ai, faafoi ma le faaaloalo lava lau Afioga i le Fofoga Fetalai.

FOFOGA FETALAI: Malo faafetai. Se i tuu atu muamua le avanoa ia Faasaleleaga Nu.2, ona sosoo ai lea ma Lefaga ma Faleaseela, tali le Minisita.

Afioga PAU SEFO TAUMATA PAU: Faafetai mo le avanoa e fai atu ai foi se sao o lenei usugafono. O lenei Tulafono Tau Faaofi ua aumai e le Matagaluega o Tupe Maua o se Tulafono mo le atinae o le atunu. O lea ua maua atu e le tumau le pasene lea o le rebate E 30% o se faatosina aupito sili lena, aua a faalogo e o lo o fuafua mai e malaga mai e pue se latou ata i inei ae maualuga, o le atunu foi o se atunu laitiiti. O lona uiga, o lea lava e tumau i inei le puegaaata i Upolu nei, ae leai lava se ata pe afea foi le motu tele i Salafai pe afea foi Salelologa i le taulaga la e tau fuafua, atonu e pue uma ai lena vaega. A o le taua ia o lenei Tulafono Tau Faaofi. Atonu foi o le avanoa lenei sa ou avatua ai le Amepasa o Iapani se i tilotilo i Salafai, atonu e ono maua ai se ata e pue ai le Itu Asau, aua o faipule uma lava nei o le Itu Asau, e ono maua ai nisi ata lelei e faatosina mai, ae a pau laitiiti i lalo, pe tumau lava le pasene lea e 30%. O lea ua lua Survivor nei, tau ai lava, atonu e sau se ata mai Iapani po o se ata tifaga mai Iapani, e tau mai ai lava mauga o Salafai ina ia maua ai le ata foi lele e tau atu ai o mauga mai Salafai i Salafai. Malo faafetai. O le Tulafono Tau Faaofi ia e matua lagolagoina, faafetai i le Afioga i le Minisita, e malosi lou tino, o oe na saunoa ai foi le Afioga i le Palemia, se pei lava oe o Paulo, Paulo foi lea na alu lava i Roma e ave le feau.

O le mea lea lau Afioga i le Fofoga Fetalai, e matua lagolagoina le Tulafono Tau Faaofi e pei ona aumai i le Laulau a Fono i lenei aso. Faafetai.

FOFOGA FETALAI: Malo faafetai. Tulai mai le sui usufono mo Lefaga ma Faleaseela, ona tali lea o le Afioga i le Minisita mo Tupe Maua.

Afioga TOLEAFOA KEN VAAFUSUAGA (Lefaga ma Faleaseela): E muamua ona momoli le agaga faafetai i lau Afioga i le Fofoga Fetalai mo le avanoa. E leai foi se agaga e fia faalavelave i le saunoaga a le Afioga i le Minisita. Na pau lava le agaga o lea ua maua atu e tele faamanuiga mo kamupani ia pueata. Ae peiseai o Survivor ia e lua na pue nei, masalo o le afioaga o le matou itumalo lea na pueina ai.

27 IUNI 2017

**Tulafono Tau Faaofi o le Pueina o Ata Tifaga (Faiga Faatosina
Faapisinisi o Lafoga) 2017 – faitauga faalua**

A o le agaga e talosaga atu i lau Afioga i le Minisita, se i e silasila ifo lava i nuu ma afioaga ia e pueina ai ata, aua masalo ana leai nuu ma afioaga lea e i ai le nuu lea o Matautu i le matou itumalo e le mafai ona faataunuina ia ata e lua, lea ua tele ai foi seleni a le Survivor, ae ia maua se faamanuiaga mo nuu ma afioaga. Faafetai i lau Afioga i le Fofoga Fatalai.

FOFOGA FETALAI: Malo. Ia, ou te tapa lau Afioga i le Minisita mo Tupe Maua.

Afioga Hon TIALAVEA FEA LENIU TIONISIO HUNT: Faafetai i lau Afioga i le Fofoga Fatalai. O le Survivor talu ai o le tupe na faaaogaina ma faaalu i inei i le tatou atunuu e \$19miliona ona faafoi lea o le rebate e \$5miliona, le tupe lena sa totoe nei e \$13miliona lea sa i totolu o le atunuu. O le tupe lena o lea sa taape i le tatou atunuu le \$19miliona ae aumai e le Ofisa o Tupe le \$5.1miliona e faafoi ma le tupe a le Ofisa o Tupe, a o le naunautaiga lava ia o le \$19miliona lena sa spend i tua i tatou pisinisi.

O le Tulafono foi o lo o i ai e lua vaiaso ma aumai i totolu faamaumauga o expenses a kamupani ia, lua vaiaso. E tatau ona uma le lua vaiaso ua i totolu ina ia oo i le faiuga o le masina ua iloa le aofaiga o le tupe alu ma le tupe na faaaogaina e latou i expenses locally spend, tupe na o lea e maua mai, e tailua vaiaso ma aumai. O le puega lava o ata i le vaitaimi lenei, na o le Survivor lava lea ua sau e le i i ai nisi ese mai. Ae i faamaumauga a le Ofisa o Tagata Tafafao Maimoa Mai o lo o i ai le vaega mai Europa o lo o tau agai mai foi le latou agaga e pue se latou ata i inei. O anapo na matou talanoa ai ma le tamaitai lea e aumaia ata i inei i le tatou atunuu, ona fai lea i ai pe a pe a toe aumai le lona tolu, e a pe a avatu i Savaii. O la e la fai mai latou o la e mafaufau i ai mo le motu tele i Salafai, aua o la e foi latou te vaai, a o le tau lava o expenses le mea e talitonu e muamua vaai i ai le kamupani i latou tupe faaalu. O le faamanuiaga la i te i ua ave i Savaii. Ou te talitonu o lena. O rebate ia faapea... e ese lava le... e i ai lava le Tulafono a le Tiute e fai i rebate ia e fai. A uma le tausaga 2015 o le rebate e tatau ona claim, a oo atu i le 31 Tesema 2016 e le i aumaia i totolu se claim, forefeit e le matou Matagaluega rebates ia. E le o se galuega a matou le o fai i ai e omai e avatu tou rebates. O le galuega lava lena a le kamupani sogasoga, a manao i le latou rebates, follow i tulafono a le matou Matagaluega. O i ina lea e alu atu ai le fesili, vaai le nusipepa o le Aso Sa o i ina e alu atu ai le tala, ia manuia le Fono.

Na faamaonia le lafo ma faitauina le Tulafono Tau Faaofi o le Pueina o Ata Tifaga (Faiga Faatosina Faapisinisi o Lafoga) 2017 i lona faiatuga faalua.

FOFOGA FETALAI: E tusa ai ma Tulafono Tumau, o le a tuuina atu le Tulafono Tau Faaofi i le Komiti o le Vaega tau le Tamaoaiga mo le iloiloina ma toe lipoti ai i le Fono Aoao i se Fonotaga o lumanai.

27 IUNI 2017

TULAFONO TAU FAAOFI O LE MALOSIAGA FAASAOINA 2017
– faitauga faalua

Afioga Hon SILI EPA TUIOTI (Minisita o Tupe): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaoofi o le Malosiaga Faasaoina 2017 i lona faitauga faalua ma ou te fia tautala faamalamalama i ai.*

Faaluaina e le Minisita mo Aoga, Taaloga ma Aganuu ma le Minisita mo Faatoaga ma Faigafaiva.

Afioga Hon SILI EPA TUIOTI: Faafetai i lau Afioga. Ia atonu o lo o silafia e sui usufono mamalu o le Palemene faapea foi le atunu le taumafaiga ua galulue ai nei lo tatou Malo ina ia faaitiitja le faalagolago i suau ua auina mai totonu o Samoa, ma ia faalauiloa ma atinae duesuega ina ia faapena ona tatou faaaogaina ai nisi o malosiaga faafouina e pei ona silafia, ua tele atinae tau solar ua fai i totonu o le tatou atunu. O le faamoemoe lava ina ia tatou maua se siosiomaga lelei ma le saogalemu.

Lau Afioga, o le Tulafono Tau Faaoofi lenei, e lua lava sini autu, muamua, ina ia taumafai e toe faatonutonu faaletulafono malosiaga faasaoina o oloa e faaaogaina ma faaaluina ma malosiaga faaeletise ina ia faafaigofie ai ona malamalamalama, o le toe faatulafonoina lea o energy efficiency o tatou oloa mai fafo latou te faaaogaina lenei eletise. Ae talu ai o le fuafuaga o lo o taumafai ina ia faaitiitja le tatou eletise o lo o faaaogaina e faalagolago i le suau.

Ma le lona lua, o le tulaga lea o faamatalaga ina ia faapea ona malamalamalama i tulaga o oloa ia o le a faatulagaina i tulaga tau standards. E pei ona silafia o le tele foi o faalauiloa o lo o i ai nei, ua tele ina uunaia ma faasalalauina i le tele o pisinisi tumaoti appliances pei o pusaaisa, tulaga o ili, tulaga o light fittings ma oloa faapena, o lea ua faapea e laitiit se eletise e faaaogaina ai, ma faapena foi ona faataugofie i le faaaogaina e o tatou tagata. E puupuu lava lau Afioga le Tulafono Tau Faaoofi.

O le tulaga o lo o talanoa ai i le tulaga o le resitalaina o oloa e mafai ona auina mai ina ia ausia lenei autu ma le tulaga o lo o i ai aiaiga ina ia faapea ona avea ma tiute tauave o i latou o lo o aumaia nei oloa mai fafo ina ia mafai ona usitaia tulaga o standards ma aiaiga ina ia faapena ona ausia ai le tatou faamoemoe. Ia o le faapuupuu atu lea lau Afioga i le autu o lenei Tulafono Tau Faaoofi.

Na faamaonia le lafo ma faitauina le Tulafono Tau Faaoofi o le Malosiaga Faasaoina 2017 i lona faitauga faalua.

FOFOGA FETALAI: E tusa ai ma Tulafono Tumau, o le a tuuina atu le Tulafono Tau Faaoofi i le Komiti o le Vaega o Atinae Eseese mo le iloiloina ma toe lipoti mai i le Fono Aoao i se Fonotaga o lumanai.

27 IUNI 2017

**TULAFONO TAU FAAOFI O TOTOGIFUAPAUINA MA TAU
FAAEE ATU (TEUTEUGA ESEESE) 2017 – iloiloga auiliili**

FOFOGA FETALAI: O le Tulafono Tau Faaofi lenei na iloilo auiliili i le aso 7 Mati 2017. Peitai na toe faau i tua i le Lafo na faamaonia e le Maota ina ia faaofi Teuteuga a le Komiti ona toe tuuina mai lea.

O lea ua toe tuuina mai le Tulafono Tau Faaofi i lona atoaga e tusa o le agaga o le Lafo, ma o le a sagai atu loa le Fono Aoao mo le iloiloga auiliili.

Mo le silafia e le Maota, e tolopo le iloiloga auiliili o le Tulafono lenei i le aso 7 Mati 2017, ua faamaonia lona Fuaiupu 2 ó Fuaiupu 6. O lea, o le a faaauauina ai lona iloiloga auiliili amata i le Fuaiupu 7.

FUAIUPU 7: Ua teuteuina le Tulafono o Laisene o Pisinisi 1998.

Faamaonia.

FUAIUPU 8: Ua teuteuina le Tulafono o Tulaga o Tagatanuu 2004.

Faamaonia.

FUAIUPU 9: Ua teuteuina le Tulafono o Iuni Faaunetupe 2013.

Faamaonia.

FUAIUPU 10: Ua teuteuina le Tulafono o le Ofisa o Tiute 2014.

Faamaonia.

FUAIUPU 11: Ua teuteuina le Tulafono o Fomai Nifo 2007.

Faamaonia.

FUAIUPU 12: Ua teuteuina le Tulafono o Faamasinoga Faaitumalo 2016.

Faamaonia.

27 IUNI 2017

Tulafono Tau Faaofi o Totogifuapauina ma Tau Faaee Atu (Teuteuga Eseese) 2017 – iloiloga auiliili

FUAIUPU 13: Ua teuteina le Tulafono o Aoga 2009.

Faamaonia.

FUAIUPU 14: Ua teuteuina le Tulafono o le Eletise 2010.

Faamaonia.

FUAIUPU 15: Ua teuteuina le Tulafono o le Auina Atu i Fafo o Aano o Manufasi 1997.

Faamaonia.

FUAIUPU 16: Ua teuteuina le Tulafono o le Faamasinoga mo Mataupu Faatatau i Aiga 2004.

Faamaonia.

FUAIUPU 17: Ua teuteuina le Tulafono o le Pulega o Ata Tifaga 1978.

Faamaonia.

FUAIUPU 18: Ua teuteuina le Tulafono o Galuega Tinei Mu ma Faalavelave Tutupu Faafuasei 2007.

Faamaonia.

FUAIUPU 19: Ua teuteuina le Tulafono o le Pulega o Faiga Faiva 2016.

Faamaonia.

27 IUNI 2017

Tulafono Tau Faaofi o Totogifuapauina ma Tau Faaee Atu (Teuteuga Eseese) 2017 – iloiloga auiliili

FUAIUPU 20: Ua teuteuina le Tulafono o Mataupu Tau Atunuu Ese 1976.

Faamaonia.

FUAIUPU 21: Ua teuteuina le Tulafono o le Pulega o Galuega Tau le Vaomatuua 2011.

Faamaonia.

FUAIUPU 22: Ua teuteuina le Tulafono o Taaloga 1978.

Faamaonia.

FUAIUPU 23: Ua teuteuina le Tulafono o le Faamaufina ma Tulaga Faataatia mo Tomai Faapitoa Tau Soifua Maloloina 2007.

Faamaonia.

FUAIUPU 24: Ua teuteuina le Tulafono o le Ulufale Mai o Tagata 2004.

Faamaonia.

FUAIUPU 25: Ua teuteuina le Tulafono o Sosaiete Tuufaatasi 1952.

Faamaonia.

FUAIUPU 26: Ua teuteuina le Tulafono o Meatotino Tau le Atamai 2011.

Faamaonia.

27 IUNI 2017

Tulafono Tau Faaofi o Totogifuapauina ma Tau Faaee Atu (Teuteuga Eseese) 2017 – iloiloga auiliili

FUAIUPU 27: Ua teuteuina le Tulafono o Mataupu Tau Lotoifale 1995.

Faamaonia.

FUAIUPU 28: Ua teuteuina le Tulafono o Tusi Samani o Faaiuga 1965.

Faamaonia.

FUAIUPU 29: Ua teuteuina le Tulafono o Faamasinoga 1961.

Faamaonia.

FUAIUPU 30: Ua teuteuina le Tulafono o Sootaga Va Lelei o Leipa ma Galuega 2013.

Faamaonia.

FUAIUPU 31: Ua teuteuina le Tulafono o Fanua ma Suafa 1981.

Faamaonia.

FUAIUPU 32: Ua teuteuina le Tulafono o Eleele, Fuagafanua ma le Siosiomaga 1989.

Faamaonia.

FUAIUPU 33: Ua teuteuina le Tulafono o le Faamauina o Pule o Fanua 2008.

Faamaonia.

27 IUNI 2017

Tulafono Tau Faaofi o Totogifuapauina ma Tau Faaee Atu (Teuteuga Eseese) 2017 – iloiloga auiliili

FUAIUPU 34: Ua teuteuina le Tulafono o le Pulega o Felauaiga i le Laueelele 2007.

Faamaonia.

FUAIUPU 35: Ua teuteuina le Tulafono o Fuafuaina o Tau o Fanua 2010.

Faamaonia.

FUAIUPU 36: Ua teuteuina le Tulafono o le Ava 2011.

Faamaonia.

FUAIUPU 37: Ua teuteuina le Tulafono o Fomai 2007.

Faamaonia.

FUAIUPU 38: Ua teuteuina le Tulafono o Fatulagaga Faletulafono o Fua o le Mamafa ma Fua Eseese o Oloa 2015.

Faamaonia.

FUAIUPU 39: Ua teuteuina le Tulafono o le Matagaluega o le Soifua Maloloina 2006.

Faamaonia.

FUAIUPU 40: Ua teuteuina le Tulafono o le Matagaluega o Galuega 2002.

Faamaonia.

27 IUNI 2017

Tulafono Tau Faaofi o Totogifuapauina ma Tau Faaee Atu (Teuteuga Eseese) 2017 – iloiloga auiliili

FUAIUPU 41: Ua teuteuina le Tulafono o Auaunaga Faa-Soifua Maloloina a le Atunu 2014.

Faamaonia.

FUAIUPU 42: Ua teuteuina le Tulafono o le Faalapotopotoga Faavae Tau Fatugao a Samoa 2005.

Faamaonia.

FUAIUPU 43: Ua teuteuina le Tulafono o le Iunivesite Aoao o Samoa 2006.

Faamaonia.

FUAIUPU 44: Ua teuteuina le Tulafono o Tausisoifua ma Faatosaga 2007.

Faamaonia.

FUAIUPU 45: Ua teuteuina le Tulafono o Tusi Folau 2008.

Faamaonia.

FUAIUPU 46: Ua teuteuina le Tulafono o Fale Talavai 2007.

Faamaonia.

FUAIUPU 47: Ua teuteuina le Tulafono o Fuafuaga ma Pulega o Nofoaga i Taulaga 2004.

Faamaonia.

27 IUNI 2017

Tulafono Tau Faaofi o Totogifuapauina ma Tau Faaee Atu (Teuteuga Eseese) 2017 – iloiloga auiliili

FUAIUPU 48: Ua teuteuina le Tulafono o le Pulega o Taulaga 1998.

Faamaonia.

FUAIUPU 49: Ua teuteuina le Tulafono o Galuega Tau Meli 2010.

Faamaonia.

FUAIUPU 50: Ua teuteuina le Tulafono o le Pulega o Tupe a le Malo 2001.

Faamaonia.

FUAIUPU 51: Ua teuteuina le Tulafono o le Ofisa Tausi Mavaega a le Malo 1975.

Faamaonia.

FUAIUPU 52: Ua teuteuina le Tulafono o Puipuiga e Taofia ai le Ofisa Mai ma le Salalau o Faamai (Puipuigamalu Mai Meaola Faalafua ma Faamai) 2005.

Faamaonia.

FUAIUPU 53: Ua teuteuina le Tulafono o Fetuunaiga ma Lomiga Faasalalau o Tulafono 2008.

Faamaonia.

FUAIUPU 54: Ua teuteuina le Tulafono o le Pulega o Malae ma Fale Taalo a Samoa 2007.

Faamaonia.

27 IUNI 2017

Tulafono Tau Faaofi o Totogifuapauina ma Tau Faaee Atu (Teuteuga Eseese) 2017 – iloiloga auiliili

FUAIUPU 55: Ua teuteuina le Tulafono o le Pulega o Faailoga ma Tusi Pasi Taualoa a Samoa 2010.

Faamaonia.

FUAIUPU 56: Ua teuteuina le Tulafono o le Pulega o le Suavai a Samoa 2003.

Faamaonia.

FUAIUPU 57: Ua teuteuina le Tulafono o le Faalapotopotoga o Suesuega Faasaienisi a Samoa 2008.

Faamaonia.

FUAIUPU 58: Ua teuteuina le Tulafono o le Fasimateina o Manu ma le Faasoa Atu o Aano o Manufasi 2015.

Faamaonia.

FUAIUPU 59: Ua teuteuina le Tulafono o Fesootaiga 2005.

Faamaonia.

FUAIUPU 60: Ua teuteuina le Tulafono o Atinae mo Tagata Tafafao Maimoa 2012.

Faamaonia.

FUAIUPU 61: Ua teuteuina le Tulafono o le Faafoega o Galuega Tau Otaota 2010.

Faamaonia.

27 IUNI 2017

Tulafono Tau Faaofi o Totogifuapauina ma Tau Faaee Atu (Teuteuga Eseese) 2017 – iloiloga auiliili

FUAIUPU 62: Ua teuteuina le Tulafono o le Faafoga o le Faasoasoaina Tatau o Punaoa Tau Suavai 2008.

Faamaonia.

FUAIUPU 63: Aiaiga Faasaoina.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Tulafono o Totogifuapauina ma Tau Faaee Atu (Teuteuga Eseese) 2017.

Faamaonia.

Na faagasolo le Tulafono Tau Faaofi o Totogifuapauina ma Tau Faaee Atu (Teuteuga Eseese) 2017 e aunoa ma se Teuteuga.

**TULAFONO TAU FAAOFI O TEUTEUGA O LE TULAFONO O LE FAAFOEGA O KASINO MA TAALOGA ESESE TAU TUPE 2017
– iloiloga auiliili**

FOFOGA FETALAI: E tusa ai ma le Tulafono Tumau 107, e tatau ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai lau Afioga i le Taitaifono o le Komiti o Tupe Maua ma Tupe Totogi.

Afioga Hon FAUMUINA TIATIA FAAOLATANE LIUGA (Sui Taitaifono Komiti o Tupe Maua ma Tupe Totogi): Lau Afioga i le Fofoga Fetalai i le Fofoga Fetalai, faafetai mo le avanoa. Ona o lo o toesea le Taitaifono, ou te tulai atu ai e faatino le tiute o le Komiti e pei ona saunoa i ai lau Afioga.

Lau Afioga i le Fofoga Fetalai ou te tulai e faatu le lafo, *Ina ia faautagia e le Fono Aoao le Lipoti a le Komiti o lo o fautuaina, Ina ia faagasolo le Tulafono Tau Faaofi o Teuteuga o le Tulafono o le Faafoga o Kasino ma Taaloga Eseese Tau Tupe 2017 e aunoa ma se Teuteuga.*

27 IUNI 2017

Tulafono Tau Faaofi o Teuteuga o le Tulafono o le Faafoga o Kasino ma Taaloga Eseese Tau Tupe 2017 – iloiloga auiliili

Faaluaina e le sui usufono mo Salega Sisifo.

Na faamaonia le lafo.

FOFOGA FETALAI: E faasilasila atu ua faamaonia nei e le Fono Aoao le Lipoti a le Komiti o Tupe Maua ma Tupe Totogi i le Tulafono Tau Faaofi o Teuteuga o le Tulafono o le Faafoga o Kasino ma Taaloga Eseese Tau Tupe 2017.

E tusa ai ma Tulafono Tumau, e amata le iloiloga auiliili o le Tulafono Tau Faaofi i le Fuaiupu 2.

FUAIUPU 2: Ua teuteuina le fuaiupu 92.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o le Faafoga o Kasino ma Taaloga Eseese Tau Tupe 2017.

Faamaonia.

Na faagasolo le Tulafono Tau Faaofi o le Faafoga o Kasino ma Taaloga Eseese Tau Tupe 2017 e aunoa ma se Teuteuga.

TULAFONO TAU FAAOFI O TEUTEUGA O LE TULAFONO O LE FAASOLOGA O TIUTE 2016 – iloiloga auiliili

FOFOGA FETALAI: E tusa ai ma Tulafono Tumau 107, e tatau ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le iloiloga auiliili o le Tulafono Tau Faaofi.

Tulai mai lau Afioga i le Taitaifono o le Komiti o le Vaega tau le Tamaoaiga.

Afioga FAALOGO IOSEFA SOPI (Sui Taitaifono Komiti o le Vaega tau le Tamaoaiga): Faafetai lava mo le avanoa. Ou te tulai atu e fai sui o le Taitaifono e le o paau mai i lenei itula e faatu le lafo, *Ina ia faamaonia e le Fono Aoao le Lipoti a le Komiti o lo o fautuaina, Ina ia faagasolo le Tulafono Tau Faaofi o Teuteuga o le Tulafono o le Faasologa o Tiute 2016 faatasi ma le Teuteuga.*

27 IUNI 2017

**Tulafono Tau Faaofi o Teuteuga o le Tulafono o le Faasologa o Tiute
2016 – iloiloga auiliili**

Faaluaina e le sui usufono mo Aana Alofi Nu.2 ma le Sui Fofoga Fetalai.

Na faamaonia le lafo.

FOFOGA FETALAI: Ou te faasilasila atu ua faamaonia nei e le Fono Aoao le Lipoti a le Komiti o o le Vaega tau le Tamaoaiga i le Tulafono Tau Faaofi o Teuteuga o le Tulafono o le Faasologa o Tiute 2016.

E tusa ai ma Tulafono Tumau, e amata le iloiloga auiliili o le Tulafono Tau Faaofi i le Fuaiupu 2.

FUAIUPU 2: Ua teuteuina le Faamatalaga Lona Lua.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o le Faasologa o Tiute 2016.

FOFOGA FETALAI: O lo o i ai le Teuteuga a le Komiti i le Igoa o le Tulafono Tau Faaofi. Tulai mai lau Afioga i le Taitaifono o le Komiti o le Vaega tau le Tamaoaiga.

Afioga FAALOGO IOSEFA SOPI: Lau Afioga i le Fofoga Fetalai, ou te tulai atu e faatu le Teuteuga e faapea:

“TEUTEUGA:

Ia aveese le fuainumera ፩2016” i le Igoa o le Tulafono ma suia i le numera “2017,” ina ia faitauina ai le Igoa o le Tulafono e faapea:

Teuteuga o le Tulafono o le Faasologa o Tiute 2017.”

Faamaonia le Teuteuga.

Faamaonia le Fuaiupu 1 ma le Igoa e pei ona Teuteuina.

27 IUNI 2017

**Tulafono Tau Faaofi o Teuteuga o le Tulafono o le Faasologa o Tiute
2016 – iloiloga auiliili**

Na faagasolo le Tulafono Tau Faaofi o Teuteuga o le Tulafono o le Faasologa o Tiute 2017 faatasī ma le Teuteuga.

**TULAFONO TAU FAAOFI O TEUTEUGA O LE TULAFONO O
GALUEGA A LE MALO 2017 – iloiloga auiliili**

FOFOGA FETALAI: E tusa ai ma Tulafono Tumau 107, e tatau ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le iloiloga auiliili o le Tulafono Tau Faaofi.

Tulai mai lau Afioga i le Sui Taitaifono o le Komiti o Tulafono Tumau, Mataupu tau Faiga Palota, Talosaga ma Tofiga Faale-Faavae.

Tofa NAFOITOA TALAIMANU KETI: Lau Afioga i le Fofoga Fetalai ou te tulai atu e faatu le lafo, *Ina ia faamaonia e le Fono Aoao le Lipoti a le Komiti o lo o fautuina, Ina ia faagasolo le Tulafono Tau Faaofi o Teuteuga o le Tulafono o Galuega a le Malo 2017 e aunoa ma se Teuteuga.*

Faaluaina e le sui usufono mo Palauli le Falefa.

Na faamaonia le lafo.

FOFOGA FETALAI: Ou te faasilasila atu ua faamaonia nei e le Fono Aoao le Lipoti a le Komiti o Tulafono Tumau, Mataupu tau Faiga Palota Talosaga ma Tofiga Faale-Faavae i le Tulafono Tau Faaofi o Teuteuga o le Tulafono o Galuega a le Malo 2017.

E tusa ai ma Tulafono Tumau, e amata le iloiloga auiliili o le Tulafono Tau Faaofi i le Fuaiupu 2.

FUAIUPU 2: Ua faaofi le fuaiupu 31A fou.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o Galuega a le Malo 2017.

Faamaonia.

Na faagasolo le Tulafono Tau Faaofi o Teuteuga o le Tulafono o Galuega a le Malo 2017 e aunoa ma se Teuteuga.

27 IUNI 2017

LAFO MO LE FAATAATIAESE O TULAFONO TUMAU 108(4)

Afioga Hon FIAME NAOMI MATAAFA: Lau Afioga i le Fofoga Fetalai ou te faatu le lafo, *Ina ia faataatiae Tulafono Tumau 108(4)ma avanoa ai le faitauga faatolu o Tulafono Tau Faaofi na iloiloina auiliili i le aso Fono lenei.*

Faaluaina e le Minisita o Faatoaga ma Faigafaiva, Minisita mo Pisinisi, Alamanua ma Leipa ma le Minisita mo le Soifua Maloloina.

Na faamaonia le lafo ma tulai ai Tulafono Tumau 108(4) ua faataatiae.

TULAFONO TAU FAAOFI O TOTOGIFUAPAUINA MA TAU FAAEE ATU (TEUTEUGA ESEESE) 2017 – faitauga faatolu

Afioga Hon SILI EPA TUIOTI: Lau Afioga i le Fofoga Fetalai ou te faatu le lafo, *Ina ia faiTauina nei le Tulafono Tau Faaofi o Totogifuapauina ma Tau Faaee Atu (Teuteuga Eseese) 2017 i lona faiTauga faatolu.*

Faaluaina e le Minisita mo Aoga, Taaloga ma Aganuu ma le Minisita mo Tina ma Tamaitai, Atinae o Nuu ma Afioaga ma Agafesootai.

Na faamaonia le lafo ma faiTauina le Tulafono Tau Faaofi i lona faiTauga faatolu ma faapea ona pasia le Maota.

TULAFONO TAU FAAOFI O TEUTEUGA O LE TULAFONO O LE FAAFOEGA O KASINO MA TULAGA ESEESE TAU TUPE 2017 – faiTauga faatolu

Afioga Hon LAUTAFI FIO SELAFI PURCELL (Minisita mo Pisinisi, Alamanua ma Leipa): Lau Afioga i le Fofoga Fetalai ou te faatu le lafo, *Ina ia faiTauina nei le Tulafono Tau Faaofi o Teuteuga o le Tulafono o le Faafoga o Kasino ma Taaloga Eseese Tau Tupe 2017 i lona faiTauga faatolu.*

Faaluaina e le Minisita mo le Soifua Maloloina ma le Minisita o Tupe.

Na faamaonia le lafo ma faiTauina le Tulafono Tau Faaofi i lona faiTauga faatolu ma faapea ona pasia le Maota.

27 IUNI 2017

TULAFONO TAU FAAOFI O TEUTEUGA O LE TULAFONO O LE FAASOLOGA O TIUTE 2017 – faitauga faatolu

Afioga Hon TIALAVEA FEA LENIU TIONISIO HUNT: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faasologa o Tiute 2017 i lona faitauga faatolu.*

Faaluaina e le Minisita mo Faatoaga ma Faigafaiva, Minisita mo Tina ma Tamaitai, Atinae o Nuu, Afioaga ma Agafesootai ma le Minisita mo Aoga, Taaloga ma Aganuu.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Maota.

TULAFONO TAU FAAOFI O TEUTEUGA O LE TULAFONO O GALUEGA A LE MALO 2017 – faitauga faatolu

Afioga Hon FIAME NAOMI MATAAFA: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Galuega a le Malo 2017 i lona faitauga faatolu.*

Faaluaina e le Minisita mo le Soifua Maloloina ma le Minisita mo Tupe Maua.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Maota.

TOLOPOINA

FOFOGA FETALAI: Ia, e momoli atu le faafetai ma le faamalo, malo le onosai, malo le lavapapale e le faigofie la tatou galuega. O le naunautaiga lava o lo o tapuai mai Ofisa Sili o Pulega o Matagaluega ma Faalapotopotoga Tumaoti a le Malo, aemaise o le latou pitolaau o lo o faapena ona tea atu ma aao o le Palestene le tatou galuega, ae a le tapuaiga a le atunu ma atinae e pei ona manaomia e sui usufono mamalu o le Palestene e pei ona faafogofoga i ai le tatou Fonotaga.

O le mea la lea e momoli atu ai le faamalo. E faamalulu atu foi i le paia o lenei Palestene ma le faafogofoga tapuai mai a Samoa. A sala le gagana a le Nofoa, o le manatu lava ina ia faapena ona tausisia a tatou Tulafono Tumau, aemaise o le uunaia o tatou galuega. E le o se agaga foi e tulitamoe e pei ona maua foi i nisi finagalo o nisi sui usufono mamalu, a o le agaga ina ia aua ne i nofo le tatou galuega ona o le finagalo lava o le sui usufono ia.

27 IUNI 2017

Tolopoina

O le mea la lea, ia tofa ia i le Atua le tulaga o lenei aso i le tatou galuega. Ia manuia foi le faafofoga tapuai mai a Samoa. Ae ou te le i faasilasilaina le aso e pei ona pasia ai le lafo, o le a faaiuina le tatou Fonotaga i se tatalo e saunia mai e le sui usufono mo Palauli Sasae.

Ona talu ai o tatou o lo o taulamua i le puipuiga ma le faatamamua i so o se atinae mo le soifua maloloina, e oo lava i so o se mea. Ou te manatu e faamanatu atu le tatou faamalositino vaeatu le faafofoga mai a Samoa i le itula e 5 i le afiafi.

Na tolopo Taualumaga a le Fono Aoao i le itula e 1:05 i le aoauli seia aulia le itula e 9:00 i le taeao o le Aso Lua, 4 Iulai 2017.